

ርእሰ ኢሰያስ ወርኢስ ሐሰን ሼክ መሕሙድ ምስል ለአምሐብሮ

ርእሰ ኢሰያስ አፈወርቂ ወርኢስ ፈደራልያይት ጀምሮሮሮት ሶማሌ ሐሰን ሼክ መሕሙድ ማሌ ለሀ ዮም 7 ጁላይ ምን ገጽ ምሴ ዲብ ቃዕት ሀገር እንዴ ትዋጀሀው ሀድገው።

ክልሊቶም ለሚርሐት፡ ዲብ ጠወሮት ዕላቀት ወመትሰዳዳይ ድወሎም፡ ክምስልሀው ናይ ሕበር አሀምየት እተ ቡ ቅደይ እብ ፋይሕ ትፋሀመው።

ዲብ መዋጀሀት፡ ርኢስ ኢሰያሱ ተእራካይት ዕላቀት ኤረትሮየ ወሶማሌ እግል ክልሊቱ ገባይል እብ ተአረቤሕ፡ ዲብ ክሉ መጃላት እብ ዓመት ዲብ ሰያሰያይ፡ ዐስከርያይ፡ እቅትሳድያይ፡ መሕበራይ ክምስልሀው አምን ወዓዳት አግደ እግል ልትደቀብ ክምስልቡ ሸርሐ።


ርእሰ ፈደራልያይት ጀምሮሮት ሶማሌ ሐሰን ሼክ መሕሙድ እግል ኤሪና እተ ሀበዩ ሐብሬ፡ ኤረትሮየ ክም ክፋል ናይል እግል ሸዐብ ወደውለት ሶማሌ ለትወደዩ ተእደድ፡ ዲብ ብንዩት ወጠን ወጃሽ ወጠኒ ሶማሌ ትወደዩ ለሀሌት ዶር ሰኒ ሐመደ።

ማሌ ምን ገጽ ፈጅር ሀዩ፡ ርኢስ ፈደራልያይት ጀምሮሮት ሶማሌ፡ እብ ርኢስ ኢሰያስ አፈወርቂ እንዴ ተ'ለ ዲብ መርከዝ ተእራካ ቅዋት ጀው ኤረትሮየ ልትደረቦ ለሀለው አንፋር ጃሽ ወጠን ሶማሌ በጽሐ።

ርእሰ ሐሰን እግል ልደረቦ ለሀለው ውላድ ሶማሌ እተ ሀበዩ ሸራሕ፡ አሳሰ ዘበናይት ቅወት ጀው ሶማሌ ክምቶም እንዴ ፈሀመው፡ መስኢልየት ብንዩት ወአትሐሳይ ናይል ቀደም እለ እትለ መንጠቀት ሰምዐት ሰኔት ለዐለት እለ ቅወት ጀው ወውሕደት ሶማሌ ዲብ መሸንገሎም ክምስል ሀሌት እንዴ አመረው፡ እብ ሸዐብ ወሕኩመት ኤረትሮየ እግል ትከለቀ እሎም በክት ተእራካ ሰኒ እንዴ ትነፈዐው እብ፡ መዳሊቶም እግል ለአክዶ መስኢት ሸዐቡ ወደውለቱ ክምስልቱ ወደሐ።

ርእሰ ሐሰን እንዴ አትሌ፡ ሕኩመት ወሸዐብ ኤረትሮየ ዲብ ሄራር ብእኒ ደውለት ሶማሌ፡ እብ ፍንቱይ ሀዩ ብንዩት ዘበናይት ቅወት ጀው እተ ወድወ ለሀለው ዶር ሐመደ።

ዲብለ መናሰበት፡ ለተእራካ ለሀለው ደረጃት ለከሰሰ ሸራሕ



መሪሐ ለሀለው፡ እግል ርኢስ ኢሰያስ ወርኢስ ሐሰን ሼክ መሕሙድ፡ መትደርበት ባጽሓመ ለሀለው ደረጃት ለከሰሰ ሸራሕ

ሀበው፡ ዲብ ኤረትሮየ ዝደረት ሸቅል እግል ሊዴ እት 7 ጁላይ ሰር አምዕል አሰመረ ለአተ ርኢስ

ፈደራልያይት ጀምሮሮት ሶማሌ ሐሰን ሼክ መሕሙድ፡ ዝደረቱ እንዴ አትመመ ማሌ 08 ጁላይ አሰከ 0ዱ አቅበለ።

መ.ወ.አ.አ.ኤ. አቅሊም ዐንሰበ ጌማም ሸቅል ወዴ



ማሕበር ወጠን አዋልድ አንሳት ኤረትሮየ ናይ እጅትማዕየት፡ እቅትሳድ፡ ሰያሰት፡ ዓዳት ወዐማር መጃላት አንሳት ዲብ ጠወሮት ለረከዘ፡ ምን ሰነት 2018 አሰክ 2023 ለልትመደድ ናይ 5 ሰነት ስታት ሸቅል ስትራተጂ ለቀየመ ሀድግ ዲብ ዮም 4 ጁላይ እት መዲነት ከረን ወደ።

እተ ምስል ሰብ ሸርከት ጅሃት ለገብእ ሀድግ ሄራርላ ትሰርገል በራምጅ፡ ፍገራቱ ወለዐለ ተሐድያት ለወድሕ፡ እብ ዓላብ ለትተለ ተቃረር ትቀደመ።

ርእሰትለ መሕበር አሰይደ ተኸአ ተሰፋሚካኤል፡ ቀድዮት አንሳት ቀድዮት ሙጅተማዕ ሰበት ተ፡ ዶር ወመሻረከት ዲብ ክሉ መጃላት እንዴ ትወቀለ አፍረዮተን እግል ልዕቤ ክሉ ጅሃት ሙጅተማዕ

መጦረን እግል ልብጠር ወልሰደዩን አትፋቀደት።

እት መትነዝም ሰያሰት አንሳት 7.5ምእታይት ዐቦት ክም አርአ ለሸርሐት አሰይደ ተኸአ፡ ማሕበር ወጠን አዋልድ አንሳት ኤረትሮየ መናበረተን እግል ትሰኔ ወአፍረዮተን እግል ልዕቤ መትነዝመን እግል ልትደቀብ ዲብ አካዳሚ ወምሀናት መትጃግረት እግል ልግብእ ትፋኔት።

ሙዲር ዓም ቅሰም ከደማት እጅትማዕየት ወርኢስ ልጅነት ጠወሮት አንሳት አቅሊም ዐንሰበ ኮሎኔል ተሰፋጌን ግርማይ እብ ጀሀቱ፡ ዐቦት አንሳት እት ክሉ እግል ትትክከድ፡ ምስል ጋብሆት ተሐድያት አንሳት ለገይሰ ሰበት ተ፡ ዲብ መደት ሐጫር እብ ቀላል ለልትበጻሕ ክም አኮን እንዴ

ሸርሐ፡ ክለን ጅሃት መዓወተን እግል ለአዚደ ክም ወጅብ ሸርሐ።

እት ደንጎቤ ሙሸተርከት፡ ዲብ ቀድዮት ተዐሊም መታብዕት ትርድት እግል ትግባእ፡ ሀዳይ ሰነት አዳም ለኢበጽሐየ እግል ልትረፍ እብ ደቅብ እግል ልትከደም፡ ወሰብብ ኢመሻረከት ወአትካራም ዲብ ተዐሊም እንዴ ትፈረገ ሐል እግል ልግባእ እግሉ ለልብል ፊናታት ወረኢይ ሀበው።

ካክም አቅሊም ዐንሰበ ሰፊር ዐብደለ ሙሰ እተ ሀበዩ ከሊመት ካቲመ፡ ኤረትሮየት ዲብ ክሉ መጃላት ለቀደመዮሁ ዶር እንዴ ሐመደ፡ ማሕበር ወጠን አዋልድ አንሳት ኤረትሮየ ዲብ ጠወሮተን ለወድዩ ጅሀድ፡ ክሉ እግል ልትሳዴ እቱ ተሐሰበ።

ወዚር ዑሰማን ሳልሕ፡ ልእከት ርኢስ ኢሳይያስ አሰክ ሱልጣን ያማን ለአበጾሕ

ወዚር ሕበር ካርጅየት ኤረትሮየ አሰይድ ዑሰማን ሳልሕ፡ እት ዮም 7 ጁላይ፡ ልእከት ርኢስ ኢሳይያስ አፈወርቂ አሰክ ሱልጣን ያማን ሀይሰም ቢን ጣርቅ አብጸሐ።

ልእከት ርኢስ ኢሳይያሱ፡ ዲብ አደቃብ ዕላቀት ክልሊቱን ለድወል ለአተንከበት ተ ለዐለት።

እተ መናሰበት፡ ወዚር ዑሰማን ሳልሕ ወተንጃሁ በድር አልሙሰዲን እንዴ አመሕበረው፡ ዕላቀት ክልሊቱ ለጅሃት እግል ትተረድ እግል ልግበእ ለወጅቡ ጸገም፡ ክምስልሀው እት ሓድር ቅደይ መንጠቀት ወእድንዩ ወለሀለ ተጠውራቱ ሀድገው።

ክልሊቶም ለውዘረ እምበል እለመ ለመፋሀማቶም እት ጠወሮት ዕላቃት ዲፕሎማሲ ኤረትሮየ ወያማን ምስዳር ምሀመት ክምተ ትፋሀመው።

እዳረት ምዴርየት ነቅፊ ምስል ሸዐብ ተአምሐብር

ዲብ ምዴርየት ነቅፊ፡ መሻረከት መጅተመዕ እንዴ ትተረደት በራምጅ ዐማር እግል ልትወዕት እብ ሕበር ውቁል ልትከደም ክም ሀሌ፡ እዳረትለ ምዴርየት ምስል ሸዐብ እተ ወዴቱ እጅትመዕ ሐበረት።

ዲብለ እት ክል-ዳሕየት ለገብእ እጅትምዓት፡ ምዲር ምዴርየት ነቅፊ አሰይድ ዮዕቀብ እድራሰ፡ እት ሰነት 2023 ለትሸቀ በራምጅ ዐማር ወመሻረከት ሸዐብ ለከሰሰ ተውዴሕ ሐቆለ ቀደመ፡ ለሀለ አርዛቅ እብ ዋጅብ እንዴ ትዝመ ወራታት ሰኒ እግል ልትሰርገል፡ ምን አግደ በራምጅ ናይ እለ ሰነት ክምቱ ወድሐ።

ዲብለ እጅትምዓት፡ መአሰሳት ከደማት እጅትማዕየት እግል ልትወጀድ ወልትጠወር፡ ድሀር-መትነፍያት መአሰሳት ተዕሊም እግል አትሓየሱ፡ ክምስልሀው እተይ እግል ልበርክት ደራይብ ንዋይ ወአርድ እግል አትሐሰሳይ ዝደደት ሸቅል ክም ለአትሐዘ ተሀደገ።

መሻረከት እብ እንክርም፡ እትለ ገብእ ሀለ ወራታት፡ መሻረከቶም እግል ልወቅሎ ዱሉያም ክምቶም እንዴ ሐበረው፡ መሕዝ ማይ ሲቶ እዳራት ደዋይሕ ሳቱ እንድላል ወበቅለ ሐል እግል ልግባእ እግሉ ትፋነው።

መዳርስ ቴክኒክ ወሙሲቀት አስመራ፡ ደረሳህን ለአድራሻ



መድረሱት ሙሲቀት አስመራ፡ እብ ለትፈናተ መጃላት ሙሲቀት እግል መደት ሰለሰ ሰነት ለአድራሻቸውም 26 ደረሳይ፡ እት የም 7 ጃላይ እብ ሸሃደት አድራሻቸውም።

ለደርሱ፡ መግደኝ ሙሲቀት፡ አመቅርሐት/ተንሲቅ፡ ተእሪክ ወጠወርት ሙሲቀት፡ መትኣግር ምስል አክራን ወሙሲቀት፡ ክምስልሁመ እብ ክቱብ አትዳለዮቱ ወሸደቱ ለብዲቡ 13 ጅንስ ምህሮ ሙሲቀት ለከምክም፡ ሰቦ ዘበናይ ወአርበዕ ወጠንያይ አላት ሙሲቀት ወዓዳት ለልሓይብ ክምቱ፡ ምዲርለ መድረሱት አሰይድ ኤልያስ ወልደገብሪኤል ወድሐ።

እተ ምህሮ ለዐለ ጀዋንብ ሰኒ ወመታክል እብ ተፍሲር ለሸርሐ አሰይድ ኤልያስ፡ መዋዋኒን እብ ዓዳቶም ወጅንሰዮቶም እግል ልዕበው ወልትረበው፡ ሙሲቀት ዶረ ውቁል ክምቱ እት ለአፍህም፡ ክሎም ለክሰሶም መአሰሳት ወመዋዋኒን፡ ምህሮ ፈን እግል ልዕቤ ምስዳራት-ሰኒ እግል ልንሰኡ፡ ክምስልሁመ መሓግዝ መድረሱት ሙሲቀት አስመራ እግል አታማም ሐዘቶም እግል ለአግዱ ትፋኑ።

መትድሕረት ዲብለ ሀበወ

ረአይ፡ ሙሲቀት ጠቢቦታይት ለውቀት ለትክልቅ ቅወት ለበ ምህንት ሌጠ እንዴ ኢትገብእ፡ ክም እድንያይት ህግዮ - ዓዳት፡ ቅየም ወጅንሰዮት መጅተመዓት ለተአርኤ ወለተአትአምር ሰበት ተ፡ ዲብ ሀበት ሙሲቀት ዐድነ ዋጅቦም እግል ሊደው ክምስልሁመ አምሮም ዲብ ብዕዳም እግል ለአትሐላልፎ እብ መዕጸም ክም ከድሞ አክደው።

ዲብለ መድሐራት፡ ዝያድ ጸርም ለፈደበው ወዲብ ሰልፋይት ወክልኤይት ሰነት ደርሶ ለሀለው ዕውታም፡ ጀዋእዝ ተሀየበ።

መድረሱት ፈንዮት አስመራመ፡ እግል መደት ክልኤ-ሰነት እብ መጃላት አሰነዮት መኪነት፡ ዓም ብናኡ፡ ጸራብ ዕጩይ፡ ኤሌክትሮኒክስ ወክህረበት ለአድራሻቸውም 41 አንሳይት ለብዲቦም 93 ደረሳይ፡ እት የም 6 ጃላይ አድራሻቸው።

ምዲርለ መድረሱት መምህር ሰመሬ ወረዴ እተ አስመዐየ ከሊመት፡ ንዛም ተዕሊም ዐድኑ፡ ዐድል ወመሳዋት እብለ ትኣክድ ገበይ፡ እግል ኩሉ መጅተማዕ አክል ሕድ ለለአሻርክ ሰበት ቱ፡ ደረሰ እብ ረክበው ዕልም እብ መትሰባል ሸዕቦም ወወጠኖም ክም ከድሞ ደማኑቱ ሸርሐ።

ወኪለት መትድሕረት እብ ተረተ፡ አምዕል መድሐራት-አምዕል ርፍዐት-መስኦልዮት ክምተ እንዴ ሐበረት፡ ዲብለ ትፈረረው እቱ ሸቅል እብ ፈዛዕት ውቅል ወጠኖም ክም ከድሞ አክደት።

ዲብ ውዛረት ተዕሊም ምዲር ዓም ቅስም ቴክኒክ ወድሩሰ ምህንት አሰይድ ተሰፋይ ሰዩም ህዩ፡ ሕኩመት ፊራሮ ዐባይ እንዴ ወዲት እግል መድረሱት-ጀዲድ ወዋወር አላት ዕንድቅተ ክም ህሌት እንዴ ሐበረ፡ ደረሰ ለረክበው አምር-ምህንት እብ ፍዕል እንዴ ጠወረው፡ ዲብለ ልትወዘዮ ዲቡ አካናት መሰል-ሰይት እግል ልግብኦ ትፋኑ።

እት ሰነት 1954 ለትአሰሰት መድረሱት ፈንዮት አሰመራ እትሊ ናይ 70 ሰነት ከደማተ ሐድ 10 አልፍ ሰብ ምህንት እንዴ አድራሻቸው እት ወራታት ሸቅል ክም አትፈረረት ወላይቀ ለአርኤ።

እምበል እሊመ፡ ዲብ አቅርደት፡ ሰለሰ-ወሬሕ አሰነዮት ኮምፕዩተር ለደርሰው ምን እዳራት ደዋዩሕ ወሸቃለ ሕኩመት ለትፋገረው 25 ሻብ፡ እት የም 4 ጃላይ ትደሐረው።

ሀደፍለ ተእሂል፡ ሸባብ ምህንት እንዴ ከሰበው መናበራቶም እግል ለአትሐይሶ ክምቱ፡ መስኦል መሕበር ወጠን ሸባብ ወደረሰ ኤራትሮየ ዲብ ምዲርዮት አቅርደት ሻብ ያሲን መሐመድኑር ሐበረ።

ዲብ መ.ወ.ሸ.ደ.ኤ. አቅሊም ጋሽ-በርክ መስኦል መሸሮ ሻብ በኪት አድም እብ ጀሀቱ፡ ለተእሂል ክፋል ወአተላላይ ናይለ እት ኩለን ምዲርዮት ለልትዝም ወራታት ጠወሮት መቅደረት አዳም ክምቱ ሐቅለ ሐበረ፡ እተ ሐልፈው ሰቡ ወሬሕ ዝያድ 400 ሻብ ለትፈናተ ተእሂላት ምህንት ክም ተሀየበው ወድሐ።

ሙዲር ምዲርዮት አቅርደት አሰይድ ኢሳቅ ዋዑም ህዩ፡ እብ መሕበር ለትዝመ ወራታት ሰርጉል ሐቅለ ሐመድ፡ እብ ጀሀት እዳራት ለትኣትሐዜ ሰዳይት ክም ትገብእ ሐበረ።

ዐዲ-ኮተዮ ወዛግር ብቅት መኪነት ወጠቢዐት ጀሬት

ዲብ ገበይ ዐዲ-ኳለ - እንዳገርግሰ፡ ዐዲ-ኮተዮ ዲብለ ልትባህል ድዋራት እት የም 5 ጃላይ እብለ ጀሬት ብቅት መኪነት፡ አርባዕ ነፈር ሞተው።

ለጽብሕ ምድር ሳዐት-ሐምስ ለጀሬት ብቅት፡ ዕልብ ተርገት መኪነት ER-B-1456 ትግራይ ናይ ሸሕነት-መኪነት፡ 14 ነፈር ምን-ለዐል እንዴ ጸዐነት ምን ዐዲ-ኳለ አሰክ እንዳገርግሰ ዲብ ትገይሰ ዲብ መድረረይ ዐዲ-ኮተዮ ክም ትብለሱት መርከዝ ፖሊስ ዐዲ-ኳለ ሐበረ።

እብለ ብቅት፡ ዲብ ዕምር 28 አሰክ 50 ሰነት ለዕምረን አዋልድ አንሳት መይተ እት ህለዩ፡ ሰቦ ጅረሕ ክቡድ፡ ወሰለሰ ጅረሕ ቀሊል ክም ገኦ እቶም ለሐበረ መ-ባሕስ ብቅት ናይብ ተለንቱ አማራ ገዝሀይ፡ ሰብ-ብቅት በሐስ ገብእ እት ምንመ ህለ፡ ቅያሰ ለሐልፊ ሸሐን እግል ልግባእ ክም ቀድር ጌመመ።

እሊ ክእነ እት እንቱ፡ ዲብ እዳራት ደዋሐ ዛግር - ምዲርዮት ሰረጀቀ፡ እት የም 4 ጃላይ ለዘልመት ወላዊል ለትሓበረ ዲብ ዝላም፡ ዲብ አብያት፡ ርዝቅ ዕጩይ ወመምተላካት መደረት አጅሬት።

እብለ ሐቅ አዘሀር እግል መደት ሐቱ-ሳዐት ወሰር ለአተላሌት ዝላም እብ ወላዊል፡ 12 ቤት ወ 750 አልፍ ነቅፈ ለልትዋገም መምተላካት ክም ትደመረ፡ ምዲር እዳራት ደዋሐ ዛግር ቀሺ ተሰፋ-ሰሊሴ ኮኾብ ሐበረ።

ለትደመረ እግል ልሰኔ መዓወነት ሸዐብ እግል ትትወቀል ለአትፋቀደ ምዲር ምዲርዮት ሰረጀቀ አሰይድ ክፍሌማርያም ገብሬመስቀል እብ ጀሀቱ፡ መክተብ ሐለት ክህረበትመ ሻፍግ አትሳናይ እግል ሊዴ ትፋኑ።



ባርንቶ፡ ዝያድ 1,290 ውላድ ዐድ አራዲ ልትሀየቦ

እት መዲነት ባርንቶ ለተሀየቦ ምድር፡ ለተውዜዕ እት አቅሊም ጋሽ-በርክ ሰልፋይ-ተጅርበት ሰበት ቱ፡ እብ ሰፋዮት እግል ልታመም፡ እብ መዓወነት ቅስም አርድ፡ ማይ ወድዋር ምን መደት-ረያም ልትከደም ዲቡ ክም ጸንሐ ለሐበረ መስኦል ልጅነት አትሐደሮት አሰይድ እብራሂም ሳሌሕ፡ እብ ዓመት 1,648 መዋዋን ጠለብ ክም ቀደመው፡ ምኖም ህዩ ለለአትሐዜ ሸፍግት ለአታመመው 1,293 ሰካንል መዲነት እግል ክል-ምኖም ምን 250 አሰክ 400 ምትር መረባዕ ለርሕበ ድምረት ክም ተሀየቦ ሐበረ።

ዲብለ አቅሊም መስኦል ፊሬዕ አርድ አሰይድ አብርሀ ገብሬአምላኽ እብ ጀሀቱ፡ እግል አሰልዩን ሰካን መዲነት ባርንቶ ለትሀየቦ አራዲ፡ ፍገሪትለ ምን አምዕል ሕርዮት ልትከደም ዲቡ ለጸንሐ ቃኑን ዐዳለት እጅትማዕዮት ክምቱ አፍሀመ።

ሙዲር ምዲርዮት ባርንቶ አሰይድ ተሰፋ-አለም ባህተ ህዩ፡ ውላድለ ደዋዩሕ ቀዳሙ ለጸንሐው ጠለባት የም ወክዱ እንዴ ተ'መ በሊሰ ክም ረክበ እት ለሐብር፡ ለትሀየቦ አራዲ እብ አሳሰ አዋጅ ወመምሬሕ አራዲ ዲብለ ትሰምሐት እሉ መሰለሐት ለልውዕል እቡ መጃል እግል ልዋፈሕ እብ ለትወቀለት ክም ልትከደም አክደ።

ሓክም አቅሊም ጋሽ-በርክ ሰፊር መሕመድ ዐሊ ሕሩይ እብ ክሰሰለ ተውዜዕ ወእተ መጽእ ወክድ እት ፍዕል ለልውዕል ወራታት እብ ከሰሰ ዲብ ሓላፊዮ ልእከት፡ እብ መዕጸም አንፋር ልጅነት ወብዕዳት ጀሃት ለትሰርገለ ወራታት ተውዜዕ አራዲ መዲነት ባርንቶ፡ ሕቁቅ መዋዋኒን አውለውየት ለልሀይብ ቃኑን ሕኩመት ኤራትሮየ ለለአርኤ ክምቱ ወእብ አሳሰ አዋጅ አርድ ዕልብ 58/94 ክም ገብእ ሐበረ።

ኦሪትሮፎጃክ

ክል አርቡዕ ለትጠ'በዕ ጀሪደት

መዳልያይ፡
- መሐመድ እድራሰ

ለይአውት ወአርተያት
* ዘሀረ ዐሊ
* ፋዋን አድም

ተለፎን፡ 121797/07121322
ፋክሱ፡ 127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመሮት፡
ተለፎን፡ 125013፡ ዕ.ሰ.ቡ፡ 1284

መርገም ፈርዖናት

ለክም ዓማት መርገም ፈርዖናት ለልትአመር መልክ ቶት ዐንኻ አሙን እግል መሰር ምን ሰነት 1347 አሰክ 1358 ቀደም መትወላድ ነቢ ዒሱ ሴዕ ሰነት ለሐክመዮ መልክ ቱ።

ቀብሩ ለረክበው ክልኦት ባሕሲን ውላድ እንግሊዝ። ካርትር ወአሉ-ወርድ ካርትሩን ቶም። አክል ኦሕድ እግል ቀብሩ ለሐንፈለ ወለረክበ ሁዋርዶ ካርትር ቱ። እግል ሐንፈሎት ለመወለ ህዩ አሉ-ወርድ ካርትሩን ቱ። ህቱመ እብ ፈጅኦት ለሞተ እተ ዕለት 06/11/1922 እት አልቃህረ ዐለት። ዓልም አሉ-ወርዶ ርዶዶት ለፈቱ። አፍሩሰ ለመሰክ። እምበል ኮር ወልጃም። መቅጠት እምበል ልባሰ ለልትጃገር መትጃግረይ ፈዳብ። እብ ፍንቱይ ህዩ እተ ወክድ ለህይ ሰኒ ፍንቱት ለዐለት ጅግረ መካይን ልትባደር ለዐለ በዐል ቅድረት ጅግረቱ። መደት ሐቱ እት ጅግረ መካይን እንዴ ወድቀ ከክልኤ እዴህ ወክልኦት እግሩ ሰበት ትሰበረው ምን እብ ፍንቱይ ህዩ ገዱ ሐሰዲት እንዴ ገብኦ ሸክሉ ትቀየረ። ወለ እግሉ ፈቱ ጅግረ እግል ልሕደገ ይሐዘ። መመውላይ ርዶዶት ገብኦ።

እናስ ጽጉብ ሰበት ዐለ እት ዐለም ብሐሳት ማል ኖሰ ለአትፈርር ዐለ። እብሊ እብ ትሉሉይ ለሳደፊዩ ወዲቅ ወሰብሮ እሊ ሕግም ሕጭር ትንፋሰ ረክበዩ። ከእብሊ አሰባብ እሊ እት ብርግንዩ እግል ልንበር ሓለት ሀወ ምስል ዓፍዮቱ ወፋቅ አቤት። ክእት መሰር እንዴ መጽአ ምን ሰነት 1903 እተ ነብር ዐለ። እተ ወክድ ለህይ ሐፍር ወሐንፈሎት አቅብር ፈርዖናት እብ ብዘሐኤ አት ደውሉት መሰር ልትሸቁ ዐለ። ምስል ምርት ዓልም ወመዲር አሳር ለዐለ እንግሊዘ ሁዋርዶ ካርትር መወሎት ማል ቀደመ። ዓልም ሄዋርዲ ካርትር እት ሐፍራሎት አሳር ወፈተሾት አቅብር ፈራዲን ፍሩር ለዐለ በዐል መቅደረት አሳር ወብሐሰ ቱ። ካርትር ምህነት ረስምመ ዐለት

እሉ። እበ እቱ ፍሩር ለዐለ ወቀይ ሐፍር አሳር ምን ሰነት 1890 እት መሰር ነብር ዐለ። ዓልም ካርትር እብ ጽጉባም አሚርኪዩን ለልትመወል ሐፍር። እት ዋዲ አልሙሉክ እት ሐንፈሎት ወቅት ሰኒ ፈዳብ ናሰኦ ዐለ።

ምርት ኬትባይ እት ሐቱ ሞብዐቱ ምን እት ሐምሰ ሰነት ከትብዩን ክምእኒ ልብል “እት ደሚር ካርትር ምርት ጋር ክል ዶል ቅቅሱ ዐለ። ህቱ ህዩ ምርት ቀብር ሕሶዕ ህለ” ልብል ዐለ።

እሊ ህዩ ክምስል ሸዑር ቱ እንዴኢትን እግል ደሊል ለገብኦ እግሉ ላተ ሐቱ የዐለት እግሉ። እተ እግሉ ለሐፍር ለዐለ ላኪን ገሌ ሓጃት ነኦይሸ ረክብ ሰበት ዐለ። ለአግደ ሸኦ ህዩ ሐቅ ገሌ ሄራር እግል ልትበጸኦ ክምስል ቱ ልትረኣዩ ዐለ። “አነ እት ቀደም ክልኤ ዕንቼ ሰፊራይ ለእርኤ። ወለ ግንራሪበ ሻጢ ሕሶዕ ምንዩ ለህለ መሰለኒ ህለ” ልብል እት ህለ እት ካልኦ ዶል ህዩ። “አውመ እግል አቅሾን ዕጩይ ለእቅሙት። ወለ እተ ባቅል ለህለ ደብዐት ልሕብዐት ምን መሰለኒ ህለ” ልብል ዐለ። ዓልም ካርትር እት ደንጎበ ምርት ፈዳብ ጋር እት ጀላቡ ክሉ እሊ ሰኒን ምስል ዐዛብ ለሓለፈ ልትፈሀሙ ዐለ እምበል ሸከ። እብ ክምስል እሊ ቱለል ሰስ ሰነት እት ዐዛብ ወሻለቶት ለህበት ወብቲክ ሰኦየት ሓለፈ።

እት ዮም 06/11/1922 ምስል እብገዘት ሸርቀት እሰሶኦ ካርትርመ እት ዋዲ አልሙሉክ እተ ለእግሉ ለሐፍር ለዐለ ምርት ሸኦ እግል ልርክብ ቀድረ። አይወ! እት ቀደም ክልኤ ዕንቱ ድቡኦ ልትረኣዩ ለዐለ ባባት እት ልትፋተሕ ትዋሰፈ እሉ።

ዕለት 23/11/1922 አልውርድ እግል ካርትር እተ ቀሰር መጸአዩ። ወለቱ ቱለቱ ዐለት። ዓልም ካርትር እናስ ሰኒ ሳብር ቱ ለዐለ። ምን ቀብር መልክ ቶት አንኻ አሙን እት መሳፈት ቅርብት ባጽሕ ክምስል ህለ በይን እግሉ



ዐለ። እግል ክልኤ እዴህ ምንዲ መቅደራን እግል ቤት ወቤነ ህደፋ ታርፋ ለዐለ መሳፈት ጌመመዩ። ሐቅ መደት ክልኦት ሰፍር ዕን እት አድሕድ ኢትአበጽኦ እግል ቀደም ሰኒን ወድኒን ሕሶዕ ለዐለ ቀብር መልክ ቶት ዕንኻ ሸማል ወድ ለዐል ክምስል ፈርዮ ወደ። ሐቅ 53 ዘበን ቀደም መትወላድ ነቢ ዒሰ ለትቀበረ መልክ። እትሊ ወክድ አሉ-ወርዶ እግል ዓልም ካርትር እብ ክርን ሰኒ ድህርት ትሰኦለዩ። “ሚ ቱ እሊ እግሉ ትርኤ” ልብል


መቅደረት ብሐሱ። አምር ክሚየእ ወግፍየት ነደኦት እቱ። ክምስሊህመ እተ ጸገሙ ሐመደቱ። ላመ ሴርቀት እደዮም እግል ልማቅኡ አሰተብደው። ላኪን ለበልሰዮም እንዴ ኢልትአመር አጅሎም እንዴ ኢተምም አቅበለው። ለሰብብ ላኪን እመር ኢትን። ፈርህት ተ ወለ መርገም ፈርዖናት ለትግንቶም። እብሊ ካርትር ለረክበዩ ሸኦ ፈዳብ ወሳኦል እዕላም እብ ፍንቱይ መጀለት ታይምስ እት አክባር ርኢሰዩት ትነሸሩ እግሉ ዐለት።

ዐለ። ላኪን “ለሸህረት ዐባይ ወለ ወቀይ ፈዳብ። ወለ ክመር ደሀብ ወለ ሕሶዕ ወሀሶታት። እብሊ ነቁሽ እሊ ሚ እግል ኢልግበኦ” ልብል ዐለ በሊሱ። ምን እተ ቀብር ነቅሸት ለዐለት ዕብረት ሱረት እንዴ ነሰኦ መሰሐዩ። በሀለት ካርትር እግል ኖሱ ረክበዩ። ረኣዩ። ወፈርህዩ። ከእንዴ መሰሐዩ ሐብዐዩ።

ላመ እቡ ሐብዐዩ ሰብብ እግል እት ሐፍር ሻርቱ ለዐለው ሸቃለ መሰሪዩን እንዴ ረኣው ሐፍር እግል ኢልኦትካርጥቱ። አዘመ እብ ድግማን ካልኦይት ዕባረት መትደጋግ ረክበዩ። ህታመ እት ትምሳል ነቅሸት ዐለት። “አና ቱ እግል ሴርቀት አቅብር ለእትግን። አና ቱ ለእት ሰሶት ሰሐረ ለእወግሮም። አነ ሕጌ መልክ ቶት አንኻ አሙን አነ” ትብል ዐለት ህታመ። ለልኦትፈክር ቱ። ክልኦት ናይ መትደጋግ አትፋርህት እት ምርት ቀብር ክቱብ። መርገም እግል ባበ መልክ ለተምትም ትሸውጥ” ትብል ዐለት ለዘዐት ለክትብት። ምን መርገም ልነጅኒ ወልጅኩም።

ክምስልህመ ባሕሰ አንጅሊባክ ክምስለ ትዘከረዩ ዕባራት ለልትማሰለ ከሊማት ክቱብ ራክብ ዐለ። እት ቀብር ምይዳም እብ ሸክል ነቁሽ። “ሬሕ መልክ። እግል ሰራቅ እብ ወሪድ እንዴ ጸብጠት እግል ትሕቅቱ” ለልብል ክቱብ ቱ ራክብ ለዐለ። እሊ ለእግሉ ዘክርን ባሕሰ አሳር ሐቱ ዶል እግል ክልኤ ግናዘ ረክበ ወሐር። ለሐቱህን ተሕረጥ (ለሸክለ ጅሰት ለክብድላ ማይት ክርሰ እንዴ እብ ሃለ ወደው። ከለ ሸክል እግል ኢሊትበደል ክመ ቀደም ሞት ለዐለ እግል ሸክል እምበል አርወሐት ለትፈግር ደወ አይበሶት ገብኦ እተ ከእሊ ትሐረጥ ልትበህል) ጋብኦ እታቱ ወለ ካልኦይት ኢክምስልህ። ከለ ሰልፋይት ናይ ምርት ፈርዖን እት ገብኦ ለካልኦይት ህዩ። ለኢትሐከጠት ጅሰት ናይ ምርት ሰራቅተ ልትበህል። ሰብብ ሞትላ ሰራቅ ህዩ እግል ልሰረቅ ክምስል መጽአ አበነት ወድቀት እቱ ከእንዴ ትጨቀጠ ሞተ ልትበህል።

ልተላሌ . .



ዐለ ሰኦል አሉ-ወርድ። ካርትርመ ክርንቱ ሰኒ ሕርጥት እት እንተ። “ዕን ለኢርኤተ። ሐቅ መትደፋንላ መልክ” በልሰ እቱ። ምን አልቃህረ አላት ሐጺን እንዴ አምጸአ ከእግል ባብ ሰኒ እንዴ ወደ እበ ዐለት እግሉ መውህበት ረስም ረስመዩ ወሰወረዩ። መትሐፍ ንዮርክ ናይ ሕፍዘት አሳር ወብሐሱ እግል ብዘሓም ሰብ



ሐለት ሐርስ እት ምዳርየት ዐድተከሌዛን

እተ ለሐልፊ ወክድ ሰሐቶቹን ጀራይድ ኤረትርየ አሰክ ምዳርየት ዐድተከሌዛን እንዴ ተሐረከው። እተ ምዳርየት ገብእ ለህለ ወራታት ፈሬዕ ውዛረት ሐርስ እግል ልሰጅሎ ምሰል አሰይድ ተሰፋልደት ገብራብርሃን። መሰሉል ሐርስ ምዳርየት ዐድተከሌዛን መቃብት ዋድያም ዐለው። ታምም ጽበጦ። እተላ ናይ የም ጥብባትን እግል ንጥብብ እግልኩም ቲ። ቅራኢት በኪተት።

ሰአል፡- ለትትከሰኣ ዲቡ አሸቃል ሚ ወሚቲ እቡ እግል ነአሰባዲ?

በሊሱ፡- ፈሬዕ ሐርስ ምዳርየት ዐተከሌዛን ክም ክሉ አፍረዐት ለትፈናተ አሸቃል እንዴ ጸብጣቱ ለከድም። ገሌ ምኑ ህይ ሕፍዘት ማይ ወትርበት። ራዐዮት ንዋይ። ዳፍየት ብቅል ሐምሌ ወፍሬታት። ከምሰልሁ መ እት አግመሎት አርድ ንትከሰኣ።

ሰአል፡- እሊ ለሳሚካህ እግልን ክም ሸቅል። ከአፎ ትቀይሙ?

በሊሱ፡- እሊ ባካት ክም ናይ ከበሰ ጠቢባት ለቡ ድዋራትቲ። እብሊ ለትዳፍቡ ብቅል ለትፈናተ እት ገብእ። ክም ሸርናይ። ጣፍ። ዳጉሱ። ዕፍን ወመሸለ ለመሰል አካል። ክምሰልሁ ምን ሐምሌ ክም ድንሽ። ሰላጦ። ካውሎ። ጎዕ። ከመዶር ለከምክምቲ። ምሰል እሊ ኣዜ ናይ ማይ ወትርበት ዳፍየት ገብእ ለህለ ሸቅል ህይ ለናይ ሐርስ አርድ እንዴ ልርሕብቲ ገይሰ ለህለ። እትላ ምዳርየት ዕመማይ ለልትሐረሰ አርድ 450 ሄክታር ለገብእ እት ሰነት እብ መሰፍ ለልትሐረሰቲ። እሊ ምዳርየት መሓዝ ዐንሰበ እብ ሰምጠ ሰበት ለሐልፍ ምኑ እብ ከናል ለልአሰቲ። ከምሰልሁም እት ሐንቲ ከዛናት ለሐሐርሶ ሰበት ህለው። እሊም ክም ነቲጀት ናይ እሊ ምዳርየት ቲ። ለህለ እግልን ከዛናት ካሬቲ ምንመ ኢልትሰህል መሻክልን ዲብ ባካት ወሬሕ 4 ወ 5 ለህለ ወክድቲ እንዲኢኮን። መሸክለትን እግል ንሕለል እቡ ለእንቀድር ምንማቲ ዝያድ እግል ማይ ሲቶ ወሐርስ ለገብእ ከዛናት እግል ልትወሰከን ነሐዜ። ብዕድ መሰደር ናይ ማይ ክም ዓለታት ለመሰል ምሰል ከዛናት ወመሓዛት ለልትጸበፍ ለህለ እግልን ሐድቲ።

ሰአል፡- አርድ ነቲጀት ለልህይብ እግል ልግበእ ሚ ለመሰል አግቡይ ትትካፍየ?

በሊሱ፡- እትላ ወክድ ጎን ሕፍዘት ማይ ወትርበት እት ክሉ እዳራት ደዋሐ ልትሸቂ እቲ ህለ። እሊ ህይ ዓማት ማይን እግል ረዘቅት ገብእ ለህላቲ። እሊ ልትሸቂ ለህለ ሐቲ ዶል ዝላም ትረከበት ምንገብእ ለማይ ክም ኢገይሰ ለወዳቲ። እሊ ምር ጃንብ ናይ ናይ ማይ ሕፍዘት እትገብእ ለካልኣይ ህይ ትርበት እብ ውሓይዝ እንዴ ትገሌት እግል ኢቲጊሰ እግል ንዕቀብ ገብእ ለህላቲ። እሊ ለሐልፊ


ወክድ ህይ ሐድ 500 ሄክታር ለገብእ ምድር ትሸቀ። እሊ እብ ለትወቀት ንዮት ወማዕነውየት ዛይደት ናይ መሻረከት ሸዐብ ገብእ ለህለ ሸቅል ምሰል ለሐልፊ ወክድ ዶል ልትርኤ እትላ ሰነት እሊ ብዙሕ ሸቅልቲ ሸቁይ ለህለ። ምሰል እሊ አትየት ዲብን ለህሌት ከረም ህይ ሰብ ሰእየት ሕን ክድመትን እተይ ሰኒ እግል ተሀበኝ።

ሰአል፡- ሐለት ንዋይ ናይ እሊ ምዳርየት ሚ ትመሰል ህሌት?

በሊሱ፡- እትላ ምዳርየትን ክም ኣሐ። ዐጣል ወአግዕ። ከምሰልሁ መ ሐ ሐሊብ ዲብ ኣብያት ለትተውብ ህለ እግልን። እትላ ሰነት ጎን አሰክ እሊ ኣዜ ለህሌናሁ ወክድ ሐለት ሰዐር ብዙሕ ለልአሰፍ ደረጀት ባጽሕ ኢህሌት። ሰኒ ህለ እግል ልትሰህል ቀድር። ብዙሕ መሻክል ነብረ ንዋይ ማጽእን ኢህለ ወ ዝላም'መ እትብትት ወትዘልም ሰበት ህሌት። ብዙሕ እግል ንትሻቀል ደእንቀድር። እብሊ ለናይ ሐሊብ ኣሐ ዶል እንርኤ ሐድ 300 ለትገብእ እት ኣብያት ትትርኔ ለህሌት ዲብ ኣምዕል ምን ክል ወአት ሐድ 12 ሊትር ሐሊብ እት ልትሐሊብ እብ 25 ነቅፈ እግል ሸዐብ እሊ ባካት ናይ ሐሊብ ጠለባት ዲብ ኣርህየት ዶር ዐቢ ለአገድየ ህሌየ። እብ ናዕየት ዶል እንርእየን ህይ ናይ ጋመሰ ወድቃለ ጋመሰ ኣሓተን ለህለየ። ናይ በርከ እትላ ምዳርየት ብዙሕ ኢህለየ። ለናይ ዐድን እትላ ወክድ ጎን ክም ድቃለ ጋመሰ እንዴ ወዳን ንትጎሬዕ እበን ህሌን። ምሰል ጋመሰ ትርእየን እንዴ ህሌክ ክም መርዒትሰ በዕል ንዋይ ልትፈናቲ እንዲኢኮን። እብ ሐሊብን ወክሃላት ሕማም። ክምሰልሁም ናይ ነብረ ጠለባትን ለሐሰየ እንዴ እንተን ረከብናህን።

ሰአል፡- እሊም ናይ ሐሊብ መፍርየት እብ መሕበር ለትከምከመውቶም ማሚ። ሐሊብ እት ሸዐብ እግል ልብጸሕ ህይ ከአፎ ባሰር ህለው?

በሊሱ፡- መሕበር ህለ እሊም መሕበር ላኪን ዲብ ለልህየቡ



ክም ልትጋመው ዋድያም ህለው። እት መሰተቅበል ህይ እብ ሕበር እንዴ ገብአው ደማንቲ ለትኣክደት ሐሊብ እግል ሸዐብ ለልአዘቡቡ ኣግቡይ እግል ሊደው ኣካን ጠለቦ ህለው። ሕን ዲብ ከምሰልሁቲ እንሰጅም ለህሌን። ሰአል፡- እብ ሰበብ ሐሊብ ለመጽእ ሕማም ክም ብሩሲል እትላ ምዳርየት ለልትርኤ ህለ ማሚ?

በሊሱ፡- ሕናመ እብ ጃንብ ናይን እሊ ናይ ሕማም መሻክል አሰፍ ሰበት ህለ እግልን። ብዙሕ መታብዕት ወመራቀብትቲ ለእንወዴ ዲሞም። ክል ሰነት ህይ መራቀብትሰኔት እንወዴ ወሕማም ለትረከበ ዲብ ወአት ክም ትብጥር ለእንወዴ። እብሊ አሰክ እሊ ህይ እትላን ለልትሐሊብ ኣሐ ለልአፈርህ መሻክል ናይ ሕማም ብዙሕ ራክባም ኢህሌን። እግል ዝያድ ደማንት ላኪን እት ሐቲ እብ ዋጅብ ለዳሌት ኣካን እግል ልትዘቡቲ ክም በርናምጅ ስቲታሙ ለህሌን። ለህለ መሻክል ለልትርኤ ዲብ ናይ ርዕዮ ንዋይ ለጥሉቅ ሰበት ቲ። መትሓፋዝ ለአትሐዜን ህለ።

ሰአል፡- እት ተዋብ ንህብ ከአፎ ህሌኩም?

በሊሱ፡- እትላ ምዳርየትን እብ መሕበር ለትከምከመው እንዴ ኢገብእ። እብ አፍራድ ነናየም ንህብ ለመልኮ ህለው። ምሰል ወክድ ዝላም ህይ አሰክ ሰሚናዊ

ህሌን። እግልሚ እሊ ቀፎ ሰሙይ ለሐሳቲ። ለሐረሰታይ ምን ቅሩብ እት ባካቲ ወአፍያቲ እብ ለረክቡ አሸየእ እንዴ ሸቀዩ ምን ቅሩብ እግል ልምለኩ ሰበት ቀድር። ለናይ ለመድ ህይ እትላ ወክድ ጎን እንዴ ተርፍቲ ገይሰ ለህለ። ሐርስቶት ዝያድ ዲብ ናይ ሰማይት ወሰናዱቅ ክም ጨቅጦ ገብእ ወደሩሱ ሰበት ህለው።

ሰአል፡- እት ተዋብ ደወርህ ህይ?

በሊሱ፡- እትላ ምዳርየት ሐድ 32 አልፍ ለገብእ ደወርህ እንመልክ። ክል ሰነት ህይ 15 ለገብእ እብ ሕክመት ለመጽለየ ዲብ ሸዐብ እንወይዕ። ምሰል ዲብ ዐድ ለጸንሓህን እት ልትዳቀለ ህይ ኣዜ ሸዐብ ሰበት ለምደየን ወትከበተየን ዲብ ደሐን ቲሰል ህለየ እግል ኒበል እንቀድር።

ሰአል፡- ለልትርኤ ሕማም ናይ ንዋይ ከአፎ ህለ?

በሊሱ፡- እትላ ምዳርየትን ሕማም ንዋይ ሳደፈ ምንገብእ። እንሳርዩ ለዐብ ላኪን ናይ ፍድኢት ንዋይ በርናምጅቲ። እግልሚ ለልትህየብ እበር እግል ክሉ ሕማም ሰበት ዳፍዕ ዝያድ ዲብ እንዴ ረከዘናቲ ለእንሸቁ። እተ ሐልፊ ወክድ እብ ንዙም እንሸቁ እቡ ዐልን። ኣዜ ላኪን ሸባህ ነቅሰ።

ሰአል፡- እግል ዓይላት ሕገዛት ለትወድወ ምን ተሀሌ?

በሊሱ፡- እትላ ለሐልፊ ወክድ እብ መሕበር መሰኩናም ናይ ንህብ ሰዳይት እግል 10 ሐረሰቶት ገብአ። ብዕድመ እብ ንዋይ አትሐደርት ወሰዳይ ለገብአት እሊም ሰበት ህለው ለሰደየት ግድዓት ዓይላት ደሐን ህለ እግል ልትሰህል ቀድር።

ሰአል፡- ለትመሳክ ሐርስ እትላ ምዳርየት ህለ ምንገብእ ሚ መሰል?

በሊሱ፡- እሊ ናይ ውዛረት ሐርስ ኣውለውያት ሰበትቲ። እት ክል ደለት እግል ልትሸቁቡ እብ ጀህትን ጸገም እንወዴ። እብሊ እት ገሌ ሐረሰቶት ግሩም ህለ። ክም መሰል ገሌ-ገሌ እዳራት ደዋሐ ኣሐ ለትህየብው ህለው። ደወርህ ለትህየብው። ወንህብ ለህብናህም

ህለው። ሰበት እሊ እብ ልትህየብውም ሰኒ ህለው ወዲብ ሐለት ሰኔት ህለው።

ሰአል፡- ገማል ለከሰሰ እብ ሰበት ዕጩ ወቃባት ክምሰልሁም ሸቅል እትላ ምዳርየትኩም ከአፎ ህለ?

በሊሱ፡- እሊ ሸቅል እሊ ዲብ እሊ ምዳርየትን ግሩም ህለ እብ ፍንቲይ ክልአት መርከዝ ሸቲል ህለ እግልን። ዲብ ደቅምሐሬ ወገላጉል። የም ዓመት ህይ ሐድ 700 አልፍ ለገብእ አሸቅል ናይ ለትፈናተ ዕጩይ እዳሉያም ህሌን። እት ክል ሰነት ህይ ሕን እት እዳራት ደዋሐ ናይን ሐድ 400 አልፍ ለገብእ ሸቅል እንሸቅል። ነቲጀቲ ህይ ግሩም ህለ በህለት ዕጩይ ህለ ምንገብእ ክሉ ህለ ወለ እግል ትርኣዩ ብዙሕ ተቅዩር ዲብ ሐያት ለወዳቲ። ምሰል ገማል ናይ እሊ ዕጩይ እሊ ህይ ለትፈናተ ሐዋን ከደን እንዴ መጽእ ወበዜሕ ገይሰ ህለ። እትላ ደዋሐን እብ እህትማም ለእንርእዩ ዕጩይ ህይ ወግሬ ወዐቅቲ። ምሰል ሐለት ሀወእ ናይላ ድዋራትን ሰበት ገይሰ ህይ እንዴ ተሐሰርናቲ ለእንሸቁ እቲ።

ሰአል፡- ቀተሪ እትላ ምዳርየት ከአፎ ህለ?

በሊሱ፡- ሕዝአት ህለ እግልን እት ክሉ እዳራት ደዋሐ ለእንሸቁቡ ምንማቲ። ዝያድ ከረም ወሐጋይ እንዴ ትመገዕ እብ ዔቅበት ለልትዐቀብ ብን። እሊ ህይ ምንዶል ዲብ ዶል ዕጩይ እት እንሸቅል እቲ እንገይሰ ሰበት ህሌን። በህ ለልአብልቲ። እሊ እት ብእካት ዐድ ተከሌዛን ሌጠ 4 ወእት ክለን እዳራት ደዋሐ ሐድ 22 ለገብ ህለ። ሰሩ ምን በዲር ለጸንሐ ወሰሩ ህይ ኣዜ እት ነአሰሱ እንሸቁ ዲብ ለህሌናቲ።

ሰአል፡- እት ኣክር ለትወሰኩ ምን ለህሌ በከት እግልኩቲ?

በሊሱ፡- ኣነ እሊ ዲብ እሊ ምዳርየትን ጋብእ ለህለ ናይ ሕፍዘት ማይ ወትርበት አሸቃል ሰኒ ሂሩር ሰበት ህለ። ሐረሰቶት ምን ሸቅል እግል ለአሰተፈዶ ወእብ ሕበር ዛይድ እግል ልትከሰኣ ዲብ እትፋኔ። ወደሐንኩም።



ነሸጣት ብዙሕ ኢኮን። እግልሚ ክሎም ለሐረሰቶት ሐድ 120 ለገብአቶም ለህለው። ሰበት እሊ እሊም ሐረሰቶት እሊም ክል ምናም ሐሊቡ ዲብ ቤቲ እንዴ ገብአቲ ለልአዘቡቲ። እግል ውጃዶም ላኪን እብ መሕበር እንዴ ገብአው

ባሕሪ ለልትሐረኮ ወምኑ ለሳግሞ ህለው እግልን። ሐድ 700 ቀፎ ለመልኮ መፍርየት ንህብ ህይ እትላ ምዳርየት ህለው። ለህለ እግልን ቀፎ ናይ ለመድ። ዘበናይ ወናይ ሰናዱቅ ቀፎታትመ ሐረሰቶት እግል ነአትናይት ኣዜ እትታሙ



መጅልስ አምን ወለዛልም ቀራራቱ ድድ ኤራትርየ (24^ይ ክፈል)

እብ ዶ/ር አሕመድ ሐሰን ድሕሊ

እብላ ገብአት መትዐደዩት ፈደራልየት ሕክሙት ሶማላ፡ ምን እግል መደት ክልኦት ፅቁድ ሶማላ ለደመረት ተጅርቦት ሐርብ ደርብ ክም ኢነሰኡት፡ ተጠውራት ሶማላ ለፋድሐዩ ቱ፡ ቅዋት ካርጅ እብ ሐሰት ዐስከርየት እግል ለአጅግሎም ትሳሰቡ፡ “እት መዐላክር ናይ እሊ ቅዋት እሊ፡ መደምራይ ሐርብ እግል ኢዳ ቱ” እት ልብል ለሀድድ ወለአትፋርህ ሐቀለ ጸንሐ ህዩ፡ እት ሄለል ማርሰ 2010 እት ፍንገል እብ ውሕዳት ሐፍዛይ ሰላም አፍሪቀ ለሰዓ ዳሽ ሕክሙት ወመትቃውመት ድቁብ ደግሽ ዐስከሪ ገብኡ፡ “አሚሪካ እግል ሕክሙት ሶማላ ዓሲመትላ ዐድ መቻዲሾ ጀላብ እግል ትጽብጥ ለትአትሐዜ ሰዓይት ትወዳ እሊ ክም ዐሰት ጀሪደት ኒውዮርክ ታይምስ ፈድሐት።

ሴድያይ ወዘር ኻርጅየት እት ቅደይ አፍሪቀ ለዐለ ጆኒ ካርሶን እብ ክሱሰ ሐርብ መቃዲሾ እግል ጀሪደት ኒውዮርክ ታይምስ እት ሀበዩ ሸፊሕ፡ ለሀጃም ናይ አሚሪካ ክም ኢኮን እት ለሐብር፡ እት ባኮት ዳሽ አሚሪካ ክም ኢህለ ሸርሐ፡ ምናተ አሚሪካ እብ ለክፍ ጥያራት ወዐመልያት ፍንቱይ መትአታታይ ክም ኢትሐድግ ኢሰትራ። ርኢሰ ሶማልዩ ለዐላ፡ ዐንደል እንዳ አሰቱት አክራቲ እት ደነግብ ዲሰምበር 2006 ምን መቃዲሾ እንዳ አፍገረቱ አሰክ ኤራትርየ እግል ልልጅእ ለጀብረቱ አሚሪካ፡ ወእብ ሐዲስ እሰእን እንዳ ሰዐመ ሹኽ ሸርፍ ሹኽ አሕመድ እብ ጀሀቱ፡ ምሳል ርኢሰ ውዘረእ ብሪጣንዮ ጎርደን ብራውን ጀልሰት ሐቀለ ወደ፡ እት ዮም 9 ማርሰ 2010 እት ሀበዩ ሸፊሕ ሰሕፊ፡ “ለናይ ረጅም ጥያራት ሰዓይት ዐስከርየት አሚሪካ መቃዲሾ እግል ገጽብጥ ሰበት ሰዳፍተነ ነኣይደ” እት ልብል ሐበረ፡ እሊ ህዩ፡ እት መውቀፍ ሹኽ ሸርፍ ሹኽ አሕመድ ለልአትፈክር አውመ ፍንቱይ ጋር ኢኮን። ማሌ ቅሩብ እት አሰመረ ክትል ወመሰከብ ክም ረክብ እግል ኤራትርየ ለሐምደ ክም ይዐላ፡ እብ ሐዲስ እት ለአትካሲት ትሰመዐ፡ እሊ ህዩ፡ መዋቅፍ ሹኽ ሸርፍ፡ ምሳል ተጠውራት ወወቅት ክም እምኡራዊቶ ለልትቀየር ክም ቱ ሌጣ ቱ ለልአትፈክር።

እግል ገሌሁ እኪት ወእግል ገሌሁ ሰኔት ለመሰል ቱ ተዋልሉ፡ ለመሻክል ሶማላ እግል ለአትቃርሐ ዶር ለተልሀው ወአሰክ እሊ እሳቶም ጥሉል ወይቡስ እት ተአንድድ እት ኢረምሽ ሐርብ አድሕድ ለምባ ከሸሐ ለሀለው ቅዋት ካርጅ፡ ሶማላ ወሸበበ እንዳ አትሀመመም አውመ ሸብብ ሶማላ ውሕድቱ፡ ሰደደቱ ወአርዛቁ እግል ልዕቀብ እት ሰዓይቱ እንዳ ኢገብኡ፡ እት ቅብላቱ ለትዐንደቀው ክም ቶም አሕዳስ እብ ዋድሐት አብርሁ ለሀለ ጋር ቱ። ሸርካት ብትሮል አሚሪካ ቀደም ወሐቆ ወዳቅ ገዛም ጀንጎል መሐመድ ሰደድ ባሬ እት ሶማላ ልትሐሰረ ክም ይዐለየ ተቃሪር ለአክድ። እሊ ህዩ፡ “ሰደሰት አሚሪካ ዲብ ሶማላ” እት ልብል አርእሰ ክም በጽሐን እብ ርሐቡ እግል ኻሸርሐ ቱ። ምን ገጽ ሐር እብ ክሱሰ ሶማላ ለትሐሰረየ ሳኪን፡ ሸርካት ብትሮል አሚሪካ ሌጠ

ኢኮን። ናይ ቻይና ሸርካት ብትሮል ወጋዝ China National Off shore Oil Corporation (C.N.O.O.C)፡ ክምሰልሁመ China International Oil and Gas (C.I.O.G) ምሰል መትዐደዩት ፈደራልያይት ሕክሙት ሶማላ እት ፈረመያሁ እትፋቅ፡ እት አቅሊም ምዱቅ ወገሌ ድዋራት ሶማላ ናይ ተዕዲን ወታያን ወራታት ወደዩ፡ ሸበከት “ሶማላ አልዮም” እብ ጀሀቱ፡ ሸርካት ከነደ ወአፍሪቀ ኣይል ወናይ አውሰትራልየ ሸርካት ‘ሪንግ ሪሶርሰ’ እት ሶማላ፡ ናይ ብትሮል ወመዓድን ወራታት ሐፍር እግል ሊደየ እትፋቅ ክም ፈረመየ ሐበረ። ናይ መሰር ጀሪደት አልአትፈክር ክምሰ ሐበረቱ ህዩ፡ አሚን ምን መዝመት መጅልስ ቅራን ባን ኪ ሙን እብ እግል ሕክሙት ለልትቃውመ ቅዋት መደረት እግል ኢትጅራ ዲዮም እንዳ ፈርሀው፡ አሰክ መቃዲሾ ዳሽ ሐፍዝ ሰላም እግል ልንደእ ምንመ አብ፡ እብ ድዱ ሳኪን፡ መዝመት መጅልስ ቅራን ወሕክሙት ናርወይ እት ግንጎራባት ሶማላ ተዕዲን ብትሮል እግል ሊደው ምሰል መትዐደዩት ሕክሙት ሶማላ ናይ መፋህመት መዝክረት ፈረመው። እብ አሚን ለልአትፈክር ወዲብ ሕድ ለኢብይኦ መውቀፍ መጅተመዕ እዲን ለአርኤከ።

ብዝሓት ናይ ድወል ኤሰዩ፡ ዐረብ ወድወል ምውዳቅ ጸሓይ መራክብ ጀሰቦት ዓሳ፡ እምበል መራቅበት ወምሕኔ ርዝቅ ዓሳ ሶማልዩ ክም ዘምተየ ተቃሪር ለአክድ። ለእምበል ገበል ቃትገዳት ምን ግንጎራባት አብሐር ሶማላ ለትሰረቀ ርዝቅ ዓሳ ሶማል፡ ክል ሰነት ዝያድ 300 ሚልዮን ዶላር ክም በጸሕ ህዩ ልትቀየም። ክምላ ልትአመር ውካላት አክባር ፈረንሳ AFP ክምላ ሐበረቱ፡ ፍንቱይ ልኡክ መዝመት መጅልስ ቅራን እት ሶማልዩ ለዐለ አሕመድ ወለድ-ዐብደላ፡ እት ግንጎራባት ሶማላ እብ ድወል ምውዳቅ ጸሓይ ወአሰዩ፡ እብ አኪይ ገበይ አርዛቅ በሐር ሶማላ ልትዝመት ክም ሀለ እግል መጅተመዕ ዐለም ሕዙር ዐለ። ምናተ ለትሰምዑ እዝን ኢረክበ። ዘማቴ አርዛቅ በሐር ሶማላ እት ቀደም ዕንታት መዝመት መጅልስ ቅራን ቱ ገብኦ ለሀለ። መዝመት መጅልስ ቅራንመ ዲብ ሶማላ እግል ትዕቀብ ለትቀድር ሰላም ሰበት ይህሉት፡ ዳሽ ሐፍዝ ሰላም ይእንልእክ ሐቆ ቤል፡ ሚ ቱ ጀሪ ለሀለ? ለእድንያይ መአሰሳት እብ ጀሀተን፡ እግል ቅያሰ 3000 ኪሎምትር ለራሙ ለዋው በሐር ኢኮን፡ እግል ዲብ ዓሲመት መቃዲሾ ለሀለ መክተብ እግል ትዕቀብ ለኢቀድረት መትዐደዩት ፈደራልያይት ሕክሙት ሶማል፡ “ምሰልነ አተፈቀየ” እት ትብል፡ አርዛቅ ሶማላ እግል ልዝመተ ስታር ወመገልበብ ጋብአት እለን ህሉት።

ለዐመልየት ሳኪን እት ዘማቴ ናይ መዓድን ወበሐር ሶማላ አርዛቅ ሌጠ ለትከለበት ይዐለት። መአሰሳት አርባመ እግል በሐር ሶማላ ምልካፍ ግድፍ ወትፍል ኪማእያት ኒክሰስ ወደያህ። በርናምጅ ድዋር መዝመት መጅልስ ቅራን ክምላ ለአክዳ፡ እት አርብ ምር ቶን ምን ትፍል ኒክሰስ እግል ትግሐፍ፡

250 ዶላር ልትጠለብ ምን። እት ሶማላ ሳኪን እብ ምን ምር ዶላር ወሰር ለኢሐሐልፍ ዐውል ለኩፋ። ሰበት እሊ መራክብ አርባ፡ እት መዋዋኒን ሶማላ ወእብ ፍንቱይ እት አጥራፍ በሐር ናይላ ዱለት እብ ፍንቱይ ለልአጅርያህ መደረት ሕሰር እንዳ ኢህይባህ፡ ሰሙም ኪማእያት እት በሐር ሶማላ እግል ልግሐፈ መትባዳሪን ለልአትፈክር ጋር ኢኮን። እሊ እት መዋዋኒን ሶማላ ወምድሮም ለጀሪ ጀራይም እሊ ህዩ፡ ዛህራት አማዳድ አምራድ ቀርበት፡ አምዳይት፡ ሰሪጣን ወሀገጋይ ዕልብ ዓሳታት እት በሐር ሶማላ አጅረ። እብ ሰብ እሊ ህዩ፡ ሶማልዩን መጀልበት ዓሳ እግል ዓይላቶም አምዕላይት ክሳር እግል ልርከቦ ኢቀድረው። እት ቀበት እሊ ዘማቴ ርዝቅ ዓሳ ወኢረኪብ ክሳር መጀልበት ሶማልዩን ወመትሐራም ምን ርዝቅም ለትረኦ ዲቦ ተዋልል ህዩ፡ እግል ሰልፍ ኢኮን “ቀርበት በሐር” ለትብል ዛህረት ቀንጸት። ለልአትፈክር ህዩ፡ እሊ ዛህረት ቀርበት ክም አብሀዘት እብ ሻፍገት ሰበት አሰሐበበት፡ እብ ገበይ ባብ-አልመንደብ አሰክ ሰድሲተን ክፋላት ዐለም አው ቃራት ለልአባጸሕ ሐር ሀርሙዝ ወረኣስ ሰኔት ሰእየት እብ መራክብ እግል ቲጊሱ ኤዝያይ ገብኡ። 20 ምእታይት ምን ብትሮል



ዐለም እብሊ እብ ሰበት መቀርበት እብ አመተ ይአምር ምን መራቅበት በረ ጋብኦ ለሀለ ከጥ እሊ ክም ለሐልፍ ሐቆ አመርኻ ህዩ፡ ለትመጽእ ምሽክለት እግል ንቀይመ ሸክ ለትአወዳ ኢኮን።

ዛህረት ቀርበት ሰኔ ለትኪሊመ ሸክለ ክም ጸብጠት እግል ትትአመር ለቀድረት ህዩ፡ ለትፈናት አሰለሕ ድቁብ ወሰናዕት ሩሰዩ ላተን 33 ደባባት ለጸዕነት መርከብ ዩክሬን “ሼና” እት ዮም 25 ሰብተምበር 2008፡ ክምሰልሁመ 100 ሚልዮን ዶላር ለዐውሉ ክልኤ ሚልዮን በርሚል ምን ብትሮል ለጸዕነት ናይ ሰውደየ “ሰርዮሰ ስታር” ለልትብሀለ መራክብ እብ መቀርበት ክም ትጸበጠያ ቱ።

መቀርበት ለልትብሀሉ ምን ቶም?
“ከራዊ!” ዲብ ትብል ሕኔት ትውዳ፡ ምን ቀዳምከ ለአዳሌካህ ሸክወት ወፍርድ ምን ቀደምት፡ አሰልፍ “ቀርበት” ለትብል ክልመት ሚ ክምሰልተ እግል ትትወደሕ ብእት። መን አመረ ግራሁ እግል እሎም መራክብ እንዳ አብጠረው ዲብ ማርሰታቶም ለረሰውን ሶማልዩን ለትከሰስ ገብአት ምንገብኦ፡ ፍርድ እግል ልትህዩብ ቀድር ገብኦ። ዲብ ሰነት 1958 ዲብ ጆኔቭ ለፈግረት ማደት 15 እትፋቅየት ቀዋኒን በሐር፡ ዲብ ሰነት 1982 ለፈግረት ማደት 101

እትፋቅየት ቀዋኒን በሐር ህዩ፡ ቀርበት በሐር ለልትብሀለ ምንገል ገብአት ደውለት ማያይ መንጠቀት ወኪን፡ እግል ስያሰያይ አህዳፍ እንዳ ኢገብኦ፡ ናይ ብሕተ መሰለሐት እግል አከዶት ለትገብኦ ጸብኢት ክምተ ወደሐዩ። ሰበት እሊቱ ህዩ፡ ለገብአት እድንያይት ቅወት ዲብ ከርስ ማያይ መንጠቀት ናይላ ገብአት ደውለት መቀርበት እግል ትትነጻ ሐቅ አለቤ። ሕክሙት አሚሪካ፡ ብሪጣንዮ ወፈረንሳ ህዩ እግል እሊ አሰልፍ ለትብሀለ ክልኦት እድንያይ እትፋቅየት እግል ኪደት፡ መጅልስ አምን ዲብ ከርስ ማያይ መንጠቀት ሶማል እንዳ አተው መቀርበት እግል ልትሳወው ለሰሚሕ ቀራር እግል ልትሳደቅ ጠለብ ቀደመየ። ማደት 7 ናይላ ቀራር ህዩ፡ “እድንያይት ቅወት በሐር እግል መቀርበት ሸፍተ በሐር እግል ደመርት፡ ዲብ ቀበት ማያይ ክፋል ሶማል እንዳ አተየ ለልትሐዜ ምሰዳር እግል ትትነሰእ ሰምሐቱ” ልብል።

እብ ሰበት ሓድረት ሓሳት ለናይ አማን ቴሌል ሶማል እብ ከሰሰ፡ ምን መብዝሐ ወሳእል እዕሳም ለሰሀይቡ ካጢ ወለትሰከሐ ሐብራ ካርጅ፡ ምሰዳር አማን ለነሰእ ሱሕሬ ሱሓፈት ኢንደፕንደንት ናይ እንግሊዝ ጆሃን ሃሪ ቱ። ህቱ ዲብ ዮም 4 ጃንዋሪ 2009

“እብ ሰበት ቀርበት ዲብ ሶማል፡ ሐሰት ተሐርበርኩም” ዲብ ሐንቴህ ልብል አርእሰ ዲብ ከትብዩ ተቅሪር፡ መብዝሐም እግል መራክብ ለልትቃውመ ሶማልዩን እግል ርዝቅ ዓሳህም ምን ዘማቴ፡ እግል ማያይ መንጠቀቶም ህዩ ምን ክሰሐ እግል ዳፈያት፡ እግል አርወሐቶም ክምሰል ዓቅበት በሐር ግንጎራብ ሶማል ክምሰል ለሐሰቡ አፍሀመ። 70 ምእታይት ምን ሸብብ ሶማል ህዩ እግል ክሕው ምሰዳር ምር ምን አግቡይ መዳፈዕት ወጠን ክምሰል ለሐሰቡ ሐበረ። ምናተ ምሰል ሕሳባት ሶማልየት ወጠንየት መትጸባጥ ለአሰም፡ እግል ማልያይ መሳልሕ ሌጠ እት ልብሎ ወራታት ቀርበት ለወዱ ምን ቅያሰ ወለዐል ሕዳም አንፋር ክምሰል ህለውመ ኢሐብዐ። ለልአትፈክር ሳኪን ለእብ ሰበት ዛህረት ቀርበት ዲብ ሰዋሕል ሶማል እንዳ አሸረየ ለልትሃገዩ ወሳእል እዕሳም ዐለም፡ ግሪ አምዋጅ እት ልትባደረ ረሰሚ ሸፊሕ አንዝመተን ዲብ ነሸሪ፡ ናይ ብዕዳም ፍድብ እብ ዓኒ እብ ቅብብ እት ለሀምሽ ወሰብብ ናይላ ዛህረት አሀምየት ክምሰል አለቡ እንዳ አተምሰለየ ዲብ ሸርሐ ልትረኦየ። መጀልበት ዓሰ መራክብ ድውል ምውዳቅ ወምፍጋር ዲብ ማያይ ክፋል ሶማል እግል ለአጅርያህ ከዩድ፡ ገሌ ናይ ምውዳቅ ጸሓይ ሸርካት እግል ማያይ

ክፋል ሶማል ናይ ኒክሰስ ወከሚካላት ድግ አው ትፍል ለቀብረ እቱ ድዋራት ወዲህን ኢልትሃገዩ እብ። ዐባዩ ድወል ምውዳቅ ወምፍጋር ጸሓይ እግል ዐዘግ መራክብ ዲብ ማያይ ክፋል ሶማል፡ እግል ቀራር መጅልስ አምን ዕልብ 1816 እት ለአንትህዘ ክምሰል ከሪ ሕክሙት አሚሪካ፡ ብሪጣንዮ፡ ፈረንሳ፡ ሩሰዩ፡ ቻይና ወህንድ “ጌፊት ዓሰ ወናይ ቤትሮል በሐሰ ለወዳ መራክብ እግል ዕቅበት” እብ ትብል ምሰምዐ፡ ናይ ሐርብ መራክብን አሰክ ማያይ አርድ ሶማል ነድአዩ። ምናተ ለናይ አማን ሀደፍ ናይላ ተምሰልየት እግል ገብኦ ልግበኦ ነፈር ለለዐልውጅ ኢኮን። ሀደፍ ናይላ ድወል እግል እሊ አግደ መትራኪቢት ንቅጠት ፍንጌ ክፍል ሰዌስ ወሸለግ ረኣሰ ሰኔት ሰእየት ወሀርሞዝ ባብ አልመንደብ ላቱ ስትራተጂያይ ኣካን እግል ራቀባት ቱ።

ዐዋምል ናይ እሊ ለተሐባለከ ናይ ከርሱ ናይ መንጠቀት ወእድንዮ ቁሪን ለቡ መሻክል ሶማል በገ፡ እብ ሐጨር እሊ ለትብሀላ ቱ። ሰበት እሊ እብ አሳሰ እሊ ለትሸረሐ ነታይጅ፡ እግል ኤራትርየ “አልሸባብ አልመጃህዲን” እብ ሰድዮት እግል አምን ወመሰከብት ሶማል ተሐምርግ ህሉት እንዳ ትብሀለ፡ ምጅልስ አምን ለገብኦ ልግበኦ ደሊል እንዳ ኢትቀደም ዲብ ዮም 23 ዲሰምበር 2009 ቀራር መኔዕ ዕልብ 1907 ዲብ ሓለፎት መትሳሰዓይ፡ እብ አሳሰ ማደት 7 ሚሳቅ መዝመት ምጅልስ ቅራን ድድ ኤራትርየ ትሉሉይ መኔዕ ቀረር፡ ኤራትርየ ዲብ መሻክል ሶማል ወተጠውራቱ ወአሰባቡ ለገብኦት ትግበኦ እዳ ክምሰል ይዐለ እሊ ለወዳሕ ቱ። ለአማን እዳረት አሚሪካ እግል ሰነዕቱ እሊ ለተሌ እዳራት፦

1. ምጅልስ ዕሬ ወሐደሶት ሶማል ዲብ 2001
2. ገለድ አከዶት ሰላም ወመዳፈዕት እርሃብ ዲብ ሰነት 2006
3. ሕክሙት ዐብደላ ዩሰፍ ምን 2004-2008
4. ሕክሙት ሹክ ሸርፍ ሹክ አሕመድ ዲብ ሰነት 2009 ዲብ አርድ እግል ለአክዳ ምን ኢቀድረ፡ ሕኔት ጌጋታቱ ዲብ ሶማል እብ ገበይ ዐገብ ሰዩሕ እግል ኤራትርየ ናይ ፍሸሉ ሰድቀት እግል ሊደየ ሰበት ሐዘ ሌጣ ቱ።

እት ረኣሰ እሊ ህዩ እዳረት አሚሪካ እብ ክምሰል እግል ቀራር 1907 ለሓለፈዩ፡ እብ ገበይ ምጅልስ አምን ረኣሰ ኤራትርየ ስያሰያይ ወእቅትሳድያይ ከርዶን እግል ዊደት፡ ናይ ከርስ አምን እግል ሐምረጎት ሀደፍ ዐለ እሉ። ግሪ እሊ ክምሰል ምራዱ ዲብ ቅደይ ከርስ እንዳ አተ እግል ስያሰያይ፡ እቅትሳድያይ ወናይ አምን ጂኦ-እስትራተጅዩን መሳልሐ ዲብ ቀር አፍሪቀ ወበሐር ቀየሕ ለከድም ቴሌል እግል ክልቀት ቱ ለዐለ። እብ ሰበት እሊ መሰል ለገብኦ ህዩ ረዩም ግያሰ ለልትሐዜነ ኢኮን። ሰበት ዲብ ቀር አፍሪቀ፡ ሰዋሕል በሐር ወምግባይ ምፍጋር ጸሓይ ዲብ መተልሀዩ ጅዝ ናይ እዳረት አሚሪካ ለትብደለው ስያሰያይ አንዝመት ዲብ ቀደም ዕንታትን እንርእዩ ህሉ።



መአሰሰት አዜብ፣ ዶር ዛይድ እና ሐሊብ ወፍገራቱ (5ኛ ክፋል)

ሐሊብ ወፍገራቱ እና መኖሪያ አዳም ዶር ወቀል ቡ። መሸርዕ ፈርዖን ሐሊብ አዜብ፣ እና ሰንዖት ሐሊብ ወፍገራቱ ርኩይ ወሳፊ ካድም ለአገሪቱ ለህዝብ መሸርዕ ሐርሰቱ። አሸቃሎ፣ ተጠውራቱ፣ ወፍገራት ሙስተቅባል ስታቲቲቲ፣ ክምሰልሁም ተገርግሮ ርኩይ እግል ለሐዘን፣ መጀለት ፍሬ-ካድም ምሰል መመቅረሐይ ሸቅል ናይል መሸርዕ ሻብ አብረሃም ሚክኤል፣ ህጅክ ፋይሐት ዋድዮት ህሌት። ጽባባ ህጅኩ፣ 5ይ ክፋል ልተላሌ።



ሻብ አብረሃም ሚክኤል

* ጠባቢዎች ፈሻይ ሸፍር መትከፍቶ በለውኑ ተውዳሕ ሀበኑ?

አፍሪካው ጠባቢዎች ፈሻይ ሸፍር እብ መግዛት ውዳሕ ሐርሰ ወርዘቅ ግሰ እናባቱ። እብ ሰበት እሊ ሸፍር ፈሻይ ሐፍዝ እግል ሊደው ዲብ ሐልሐሌ፣ ናይ ኦሮት ሃክታር ገርሀት አልፈ-አልፈ ሀብቱም። ለተቅደር እግል ትእምኑ ኢትቀድር፣ ሰኔ መፍርያይ እት እንቱ ትረከበ። አክረቱ ፍገራት ሐፍዝ እት ሐረሰቶት ትቀደሙት። እትሊ ለህሌት ዲቡ ምድር ጀሐር፣ ክእን ለትመሰል ተገርሰት እግል ንርከብ ሰዳይት ዐባይ ተ። እት ነሐዘዩ ሀደፍ እግል ንብጸሕ ከእብ ዐውል ረከሰ ሸብብ ዲቡ ሐሊብ ወእንታጅ እግል ነሐትባዴሕ ሐዘቱ ዛይደት ክም ተ ህዬ ሸክ አልበ። እብ ለፈይሐ ህዬ ነሐተላልዩ ህሌ። መሰለን፣ እት መሸርዕ ዐድ-ዐ-መር፣ ዲብ 20 ሃክታር ግረህ አልፈ-አልፈ ወ20 ሃክታር ምድር ሐርሰ በናን እንሰንሱ ህሌ። እት ሐልሐሌ ለህሌ እግልን ሰለሰ ሃክታር መምሰል ሰለሰ ብዕዳም መሰል ሰኔት ሐረሰቶት እት በሰል እንገርቡ ህሌ።

* አዜ መአሰሰት አዜብ ዲብ ሚ ወራታት ክሰእት ህሌት እግል ኒበል እንቀድር፣ እትሐጭር እንዴ አበልክ?

መአሰሰትን አዜ እት ሐሊብ ወእንታጅቱ፣ ሐርሰ መሰፍ



መአከብ ጅብት

ወትምፖሰት ክሰእት ህሌት። አፍሪካው ደወርህ እግል ዶሎ እብጠራሙ ህሌ። ምን እለ ሰነት 2024 ላኪን እግል ነሐትሐሰሰዩ ስታት ብክ። ናይ ንሁብ መለክናቡናሁ በርናምጅ ህሌ። እብ 30 ቀፎ እንቡታም ህሌ። እት 300 እንዴ ወቀልናሁ ሰኔ ደቡእ ወክምኩም መሸርዕ ሐርሰ ዐቢ እግል ኒደዩ፣ ስታት ብክ። ጅብን ዲብ ነሐዘበ። እብ እዳን ለሸቀናሁ ፍሬና ቱ። መዐርመ ፍሬን እግል ኒደዩ ነሐዘ ህሌ። ኩሉ ምሰል አጅባን ለገይሰ ወእት ድካንን እግል ለህሌ



አብረሃም ምሰል መደርሱ ከዋጂ

ለነሐዘዩ እተይ ሐርሰ፣ ናይ ቅሩብ ወረደም ወክድ ስታትና ቱ። እት ድካን አጅባን ክም ኦቲኩ፣ ጅብን፣ ነቢት ወመዐር እግል ልጽነሐክ ሀለ እሌ፣ እሊ ፈርዖን እሊ ምሰል ለገይሰ ቱ። ሰነት ነቢት ቀሊል መሰነዕ ኢኮን። ወቅት ለነሰእ ቱ። እት ሐሊብ ፍገራት ሐሊብ ወመዐር ለእንወድዩ ክሰእት ማል፣ እብ ጅንሱ ፍንቱይ እግል ኒደዩ ላሊ ወአምዕል እንሸቀ ዲቡ ለህሌን ጋር ቱ። ኮምፖሰት ላዘም ቱ። ሰበቡ ህዬ፣ እግል ግግመት ቱ ዲብ ርዘቅ (Resource) ትበድለ ለህሌ። እት ረክሱሙ፣ እት አርከሱትላ ሐሊብ መ እግል ልሰዳን እንሰኢ። ሐቱ ኪሎ ጅብት እግል ንሸቁ፣ 11 ሊትር ሐሊብ ነሐትሀልክ። 10 ሊትር ማይ ህዬ እንክዴ በህለት ቱ። ለልትክዴ ማይ መዐሉ ዶል ተህይቡ፣ እት ሸቃይ ኮምፖሰት ሰበት ለአቱ፣ እግል ዐውል ጅብን

ክም ረክሰ ወድዩ።

* እት ሓላት ሸቃለ መአሰሰት አዜብ እግል ንሕለፍ?

እግል ገሌ ቀምያት ኤራትርየ ለወክሎ ሸቃላ ቶም ለህሊው እግል። ዐደድ ሸቃላን እትላ መደት ጎን 93 ሳብታም ወ70 ህዬ ናይ ዶሎ ሸቃላይ ብክ። ለበዘሐት መቅደረት አዳም ህዬ እት አቅሊም ጋሽ-በርካ ተ ለህሌት።

* እግል ጠወርት መቅደረት አዳምኩም ሚ ትወዱ?

አኪድ ሀለ ለእንወድዩ። እትላ መአሰሰትን ለአሳሲ ምህር ኖሼ ቱ ለአደርሱ። ኩሎም እሎም ጅብን እት ሸቁ ለረኢኩሞም፣ ኖሼ ለአድረሰክም ቶም። እት ሐሊብ ወፍገራቱ ሐበት ለአምር ለይዐለው ቶም። አዜ ላኪን ለትአትሐዘዩም መቅደረት ዲብ ከሰቦ ልሂርሮ ህሊው። እብ ውዳሕት ሐርሰ ለመጽኢን ሰብ ምህንት መ እግል አንፋርን ምክር ምህንት ወድሩሰ ለህዩቦም እግል። እብ ግመት ኩሉ ለራቅቦ ወለመርሐ፣ እት ኩሉ እዴም ለልሐብሮ አርበዕ ብቅዳም ሰብ መቅደረት እፍሩም ህሌ። አሰክ ካርጅመ እንዴ ነድኢን ለአድረሰናም እንፋርመ ህሊው እግል።

* ሐዳሰ ወዘበናይት መአሰሰት መትከሰ ህሌኩም፣ እለ ከአፎ ተ?

እለ እብ ሰዳይት ሓይሰ ርኢሰ ተ ትትሸቁ ለህሌት። ሰኔ ዐቢ መሸርዕ ቱ። እት ምፍጋር ጸሓይ አፍራቀ ለዐበ መሰነዕ አጅባን እግል ልግበኦ ቱ ለሰእዮብክ።

* ዐውል ጅብን እግል ልርከሰ ለገብኦ ካድም ህዬ ሚ መሰል ህለ?

ምሰል እብ ግመት እት ዐድን ለህሌት ዐዳገ ትርእዩ ዲብ ህሌኩ ብዘሕመ ቃሊ ኢኮን። በይኑ እንዴ ፈንቱክ ዶል ትርእዩ ላኪን እፍፍቅ ዲቡ። ምር ሊትር ማይ እብ ከም ንትዛበዩ ህሌን? ምር ሊትር ሐሊብ እብ 22 ነቅፈ ንትዛበዩ ህሌ። ምን መሰነዕ አቶ። ምን መሓብር ሐሊብ መ እብ 15 ነቅፈ ነእመጽኡ ህሌ። ላኪን ሰኔ ሐድ ቱ። ሐቱ ኪሎ ጅብት እግል ትሰኔ። 11 ሊትር ሐሊብ ለአትሐዘ። መትዕባይ አግቡይ ሰንዖት እቡ እንዴ ሐልፈ ህዬ፣ እት ጅብት ልትበደል። አዜ ለመአሰሰትን እብ ከሳረት ተ ትሂርር ለህሌት። እብ ዐለፍለ ንዋይ ሰኔ ርከን ክም ቀደርን ላኪን፣ ለሰርገል እት ሰነት እንዴ ኢገብኦ። እት አውራሐት እግል ልምእኦ ቱ።

* እት ርግኦ ለበውር ዲብ ዕለት (Expiry date) አክል አዩ ደማ?

ምሰል እብ ግመት እት ዐድን ለህሌት ዐዳገ ትርእዩ ዲብ ህሌኩ ብዘሕመ ቃሊ ኢኮን። በይኑ እንዴ ፈንቱክ ዶል ትርእዩ ላኪን እፍፍቅ ዲቡ። ምር ሊትር ማይ እብ ከም ንትዛበዩ ህሌን? ምር ሊትር ሐሊብ እብ 22 ነቅፈ ንትዛበዩ ህሌ። ምን መሰነዕ አቶ። ምን መሓብር ሐሊብ መ እብ 15 ነቅፈ ነእመጽኡ ህሌ። ላኪን ሰኔ ሐድ ቱ። ሐቱ ኪሎ ጅብት እግል ትሰኔ። 11 ሊትር ሐሊብ ለአትሐዘ። መትዕባይ አግቡይ ሰንዖት እቡ እንዴ ሐልፈ ህዬ፣ እት ጅብት ልትበደል። አዜ ለመአሰሰትን እብ ከሳረት ተ ትሂርር ለህሌት። እብ ዐለፍለ ንዋይ ሰኔ ርከን ክም ቀደርን ላኪን፣ ለሰርገል እት ሰነት እንዴ ኢገብኦ። እት አውራሐት እግል ልምእኦ ቱ።

በ? ለክልኦን አምዳላት ህዬ ከአፎ እግል ልግበኦ በን?

እንታጅ ሐሊብ እት ተላጀት ቱ እግል ልትከሬ ለወጀቡ። ከህረቡት በትከት ምኑ ምን ገብኦ። ምን ሐቱ ምዕል ወለዐል በረ ምን እግል ልጽነሕ አለቡ። እት ቀበት ክልኤ ምዕል እግል ልትበለዕ ቡ። ለመፍርየት ልርደው ወለእበው፣ እት መብረዲ ሰበት ከርወ። እብ ብዘሐ እት ዘባይናም እንዴ ጌሰው ለምሸክለት ከሳር ውብቀት እግል ለአንቁሰ ብእቶም። እግል ዘባይናም ሐድ ናይ አትፋዘዎት ምህር እግል ለሀቦም ምህም ቱ። ገሌ መአሰሰት 10 ምዕል ወገሌሀንመ 20 ምዕል ሰመሐ። ሕነ መአሰሰት አዜብ ላኪን ምግባይ ዕምርላ ፈርዖን ነሰኦ። 15 ምዕል። እግል ደማን ላኪን ዘደደት እግል ልትጀረብ ቡ እብል። ቀደም ክልኤ ሰነት ለዐለት እግልክ በቃዕት፣ እግል ትንቀሰ አው ትውሰክ ትቀድር። መሰል እግል ሀበኩ፣ እግል ሐጠፎ ተእሂል ህንዲ ጊብ ግሰን እት መደት፣ እት አምዕል ሰለሰ ሚልዮን ሊትር ሐሊብ እግል ልሰኔዕ ለቀድር ዐቢ መሰነዕ ሐሊብ ወፍገራቱ፣ ለመመቅረሐይ ተገርቦም ዲብ ለሐዘኩ። “ እንታጅን ናይ 24 ሳዕት ዕምር ቡ” ቤሌ። ኣነ ህዬ ለለጽሐ ሐሊብ (ፓሰቸራይዘድ)፣ 72 ሳዕት ክም ጸኔሕ ቱ ለደረሰኩ። ክእን ለቱልካህ ሐቀ ገብኦ



አዜብ ጸጋይ

ተጠውራት ምሰል አንበትናሁ። እት ሰነት 2006 ህዬ ተሃዲ። ሰለ አጀኒት ብክ። አዜ ለብክርን ወለት 17 ሰነት ህሌት። ዲብ ህዴ ወድ 25 ሰነት ዐልቱ። አዜ ውድ 42 ሰነት ህሌት። ለነእሸት ወለት ህዬ፣ ወለት አርበዕ ሰነት ህሌት።

* እት ውላድኩም ምህንትክ እግል ተአሰብቅ ለውዳካህ ጸገም ምን ለህሌ?

ክም አቅመቶ፣ ክምሰል ኣነ ህንደሰት እንዴ ሐደግኩ እት ሐርሰ ለጊሰ። ህቶም ለናዩ ምን እንዴ አዘመው ዲብ ናዮም ምዩል ልሂርሮ ለህሊው መሰሎ። ገሌ ምን ፈትው እንዴ እንቤ፣ እት እንቀሰም ክል ጅምዕት እትላ መአሰሰትን ናይ ሐልሐሌ ነሐመጽኦም ዐልኩ። አዜ ላኪን ሐርሰ ለፈቱ ወለኢፈቱ ምናም ሰበት ፋረግናህም፣ ለፈቱ ሌጠ ነሐመጽኦ ህሌ። ሰናይ ወፋሲካ ለልትበህሎ አጀኒትን እትላ



መሰነዕ ሐሊብ ዴብ-በርዕድ

ላኪን ሰኔ ይአልጸሐካህ” እቤ ከትከሐድክወ። “አው ካልጥ ህሌኩ አውመ ተአለጽሕወ ኢህሌኩም፣ እንድኢኮን ላዘም 72 ሳዕት ላተ ከልኦን” እቤሌ። ለህግያይ እሰልፍ ኢትከብተዮ፣ እት ትርድት መክሐደ አቱክ። ሰበቡ፣ ለአርእሰ ኣነ ሰኔ ዳርሰ ዐልቱ። እት ለትወቀለ መዕመል ሐሊብ ክም ጊሰኩ፣ ዋውዮ እንዴ ፈግረ እብዬ። “ናይ ኣለት ከራብ ምሸክለት ብነ” ቤሌኒ፣ አሰተሰለመ በህለት ቱ።

* እብ ክሰሰ ምህንት እትላ ከፈኩ እት ናይ ኖሰክ መንበረት እግል ንኦቱ ሃዲ እንት ማሚ?

በዐል ፈረዕ አነ። እሲቹ (አሰቱር) እለ መአሰሰት ዲብ ነኣብተ እት ሰነት 2001 ክም መልህዮቹ ምሰልዩ ዐለት። ኩሉ እሊ ባጽሓሙ ለህሌን

* እለ መአሰሰት ምን ኢትአኩቡዮ አዜ ዲብ ሚ ወህሌክ ትብል?

ምን ዋልዳንዬ ለወረሰክወ ህንደሰት ቱ። ሐርሰ ላኪን እብ ሐርዮንዬ አቱክወ። ዕረገ-ትከረዮታት ብዘሕ ክም ዐለ ዲቡመ ሓኪክወ እግልኩም። መፍርያይ ሐረሰታይ እግል እግበኦ ሰበት ሐዘኩ ላኪን፣ ኩሉ መሐሲት ወተሐድዮት እንዴ ተዐዳኑ እትላ ደረጀት ባዴሕ ህሌ።

እብ ወዳሪት ሐርሰ ለልዳሲ ዓመድ

ሐዘን ወግርመት

ኩትባይ = ያሱናሪ

ተርጀመት = የሰዓት እድራሰ አሜር

21^ይ ክፈል

እም ኡቱኩ ብእሰ አብላ ወሌተት ክምቱ ሸክ ኢዐለ እሎ። ወምን ጋሪት ለትትአከድ እቡ ብዙሕ አግቡይ ተአምር ዐለት። ላኪን ለእሲት ለሸንብሬቦት አሰክ ትትረኤ ትትጸበር ዐለት። ህተ ላኪን ኢትረኤት፣ ወሐቆ ስሰ ወርሕ ዔቅባይ መሰጠር ብእሰ ለእሲት ለሸንብሬቦት ክምተሀዔት ወለ ወለቲት ምሰለ እተ ብእሰ ለሐዲሰ ክም ተዐዔት እሰ አሰአለዩ። ወምን አሻይርለ እናሰ ክመ ፈሀመቱ፣ ለእሲት በዐል ሻም ብእሰ ክም ዐለት አመረት። ሐቆ ወቅት

እብ ክሰሰ እሲ ጋር እሲ ወለ እብ ሐቱመ ዘዐት ኢሐሸክሸክት እሎ። ከእብ እሲ ገበይ እላቱ ኡቱኩ ወለት እመ ለኢኮን ሕት ክምበ ተአምር ለየዐለት። ወአላሁ የዕለም አዜ ህዲት ወእም አጀኒት ጋብኡት ተሀሌ። ምናተ እግል ኡቱኩ ክም ኢሀሌት ትትሐሰብ ዐለት።

- ኡቱኩ፣ ኡቱኩ!
ካይት እግል ተሀር'ሰ እት ተሀናዝ'ዛቱ ትትላከየ ለዐለት።

- ደሐንኪቱ፣ ትትሐሰሚ ህሌኪ? ትትወጅዒ ለህሌኪ ትመሰሊ ዐልኪ።

ካይት እብ ምልህህ ለነሐረ እት ጨቅም እሎ፣ ኡቱኩ ምን ኩለ ኩብደ ተአተንፍሰ ዐለት። ወለ ሸንብሬቦት እብ ምንክብ እንዴ ገብኡት ድንን

- ኢትተርጀጊ ዲብዬ፣ ህቱ ለለአብሀርር ገጽ ክም ናይ ፎዶ ገጽ አለቡ። ነፈር ሶታይ ዲብ እንቱ እብ ምልህህ እተ ረአሰለ ዐራቹ ለአምሆልል ዐለ።

- እሲት ተ?
ኡቱኩ ኢብልሰት።
- ኡቱኩ፣ እሲ ሕልም ግሩም ቱ፣ ምትአክደት እት አነ እብ ለኪተ ህሌኪ።

ሐቆ እሲ ካይት ረሐትለ እዴህ እተ ለአፋዝ ለዐለየ ዕንቱታት ኡቱኩ እንዴ ከፊተ ከአቀመጨተን። ወእሰ ሐቱ እዜህ፣ ጭብዕት ኡቱኩ እንዴ ነሰኡት፣ እት አፋህ ኡቱተ ወክክሸተ። ኡቱኩ ለዕንታተ ምን ቅያሰ ወለዐል እንዴ አፋዘዙቱ ክምእነ ትብ።

- እንቱ ተአመቺኒ ህሌኪ!

- ኡቱኩ ለሱረትዬ እግል ትርሲማቱ እብል ህሌኪ፣ አማንዬ ሚኢኮን? እሲ ምን ገብእ ክመ መሻትለ ሻሂ ናይ አጃ፣ ህታመ ሶታይት ገብኡት። ለሕልምኪ ኩሉ እሰ አካኑ ክምእነ ልትፈሰር።

- ክምሰልሁ መሰለኪ? እሲ ምን ገብእ አነ እት እሰክብ እንቱ እተ ረአሰዬ ትሰዕሰዒ ዐልኪ? እሲ ለለአፈርህ ጋርቱ!

ካይት ለእዴህ ምን ገጽ ኡቱኩ እንዴ ሀረሰተ ከዲብለ ነሐረ ኡቱተ እሎ። ከእብ ኩሉ ሐለተ ሰሓቅ ሕትቅ ወሀሰቲርየት ብእቱ ለመሰል ትሰሐቀት። “ላኪን እሲ ክመ እንቱ ለትፈትዩ ረሰም”፣

አምዕል ሓሪት። ደብር ኮራመ እግል ልፍገረ ትብገሰየ ከእት ማሲ ምድር ፈግረያሁ። ለሐጃጅ እተ ሐረምለ መዕበድ ጅምም ዐለው። ሐቆለ አምዕል አቁሰጡስ ለረያም ለሁ፣ ለምሴት ዲብለ እተ ባካት ለዐለ ረወራትለ አድብር ወእተ ረአሰለ ዕጩይ ለረያይም ትትካሬ ዐለት። እብ ረአሰለ እት ቅብላት ክዩቱ ለዐለየ ዐክል ምፍጋር ጸሓይ፣ ለወርሕ ዐሰር ራብዕ ፋዝዕ እት እንቱ ገጹ ለዐል ክብ ልብል ዐለ። ወለ መደጊትለ ፈርሐት እተ ዱዋርለ መዕበድ እብ ክል አንክራቱ ኩሩይ ዐለ። ከለሩህባን ለቡድዩን እንዴ መጽአው ምሰለ እሰ ቅዳሰ ለአሕትፋል ለዐለ ወብላይ ጣለ ወኑዙፍ ለዐለ ራህብ እንዴ ገብኡው። ወእብ ሃርሞንዮም እንዴ ተለው “ሶትረ” እት ቀረኦ አንበተው። “ያረቢ ሐለት ትርድት ሀበኩ። ሐለት ሐዲሰት”።

ለገብእ ሓጅክ እት እዴህ ክም ቁርባን ለትትሐሰብ ሸምዐት ቃርሕ ዐለ። ወእተ ቀደምለ ብክ ለዐቢ ናይለ መዕበድ። ሐቱ ዐባይ ወፍድድት ጠሾ ናይ ሳኪ ማይ እንዴ ትመለኡት ክሪት ዐለት። ወለ ጽላለ ወርሕ ዲብ ልትረኤ ዐለ። ምን እሲ ማይ እሲ እግል እት ሰፍ አሰር አሕድ እንዴ ገብኡው መጸኦ ለዐለው ሐጃጅ እተ እደዮም ባልሱ እሎም ወሀቶም ሰትወ ዐለው። ኡቱኩ ወካይትመ እተ ክምሰልሆም ወደዩ።

ልባብ

እት ከሌዕ ለህሌት እት ሞክሰ በይን


ሐቱ ሸንብሬቦት እት ሐቱ ገሀውት እንዴ ኡቱት ትገሌት። ወእግለ ሐቆ ሸቅል ክም ፈግረ እግል ልቃብለ ለትዓደመየ ሕጽዮ ትታኪ ዐለት። ምን እሉ ጣልቦት ዐለት ሻሂ እንዴ ትባሸረት ማነ ወገለበ ምን አትናወረት፣ ኦርት መንደላይ አሰክ እት ልርኤ ወእት ልትገደጽ እሲ ረኤት። ብዙሕ ባለ እንዴ ኢተሀይቡ ለሻሂህ እቱ ዐቅብለት ከእሉ ሰቱት። ሐቆ መደቲት ሰርቅ እንዴ አሰለት አሰክለ መንደላይ አቅመተት። አሰክ እሲ እት ለዐፍዮ ወገጹ ባርህ እት እንቱ እት ልትገደጽ እግል ርኤቱ። እሲ ሓለቱ ብዙሕ ዳየገተ። ወዶል ለሕጽዮ መጻተ ኩሉ ዳገመት እሉ።



ለሕጽዮ ብግሩ ገብኦ ወአሰክለ መንደላይ አተጀሀ። ወእብ ኩሉ ሐለቱ እንዴ አፍክክ ከፈት እሰ ለገጹ ዶል አርመደ ዲብ። ለመንደላይ እብ ምንቅራሩ እተ ምድር ትለከፈ። ለወለት ፈራሰትለ ሕጽዮ ወእትጀላበ ለወደዩ ወቀይ ሰኒ በሰጠዩ። ወህተ ወሕጽዮ እደይ ሕድ እንዴ ነሰአው ምነ ገሀውት መጦር ሕድ ፈግረው።

ሐቆ መደት ለመንደላይ ምርት ምነ ዘባይን እንዴ ደገፊዩ ምነ ምድር ክም ሀረሰዩ፣ ለጸላም ነዛረቱ እት ዕንቱ እንዴ ወደ ጸገቱ ሀረሰ ወመካሪት እግሩ እት ተማትም እብ። ምነ ገሀውት ፈግረ!!

ደለ እሲ ነሐሰብ ወንትዋየን እት ቀበትነ ለህሌት ሌጣ ተ። ለአማን ላኪን ክል ዶል ካልእ ሸክል ቤ። ከአማን ክልዶል መጦርነ እግል ንርከበ ገበእነ ምን ገብእ። ፈግን ወልባብ ለአትሐዜ። ከምን ትዕስ ወአከይ መዋድቅ እግል ንድሐን። ለገብኦ ጋር እብ ምልህነ እግል ንባሕሱ ወእብ ረዋግ እግል ንታለዩ ለአትሐዜ።



ለመቅደነ ወለ ሐሩቀተ በርደዩ። ወለ ወሌተት ወለተ እግል ትውደዩ እት ተሐሰብ አንበተት። ለወለቲት ለኒኢሽ አዜ እመ ክምተሀዔት ለናይ አማን አቡሀ እግል ልትቀዌ ዲብ ላዝም ቱ። ከእም ኡቱኩ ሓጅት ቃልየት ክም አብዴት ልትሰመዐ ዐለ። እሲ ህዩ ወለተ ሐቱ ኡቱኩ ሰበት ገብኡት ሌጣ እንዴ ኢገብእ። ኡቱኩ አሰክ እሲ ወለት ዐሰር ክልኤ ሰነት ሰበት ዐለት። አቡሀ ፈታይት ክምዐለት እሉ ወወለት ሸሪዐት ለኢኮን ወለት ክምቡ ምን እግል ትድገም እሎ። እምበል ሸክ መሰተሐለት ጋብኡት እተ ዐለት። ኡቱኩ እመ እተ ሞተት እቱ ወቅት ለአማን እግል ተአምር እቱ ለትቀድር ዕምር ባጽሐቱ ዐለት። እመ ላኪን ወለ እተ እብ መጸጸት ራግጽ እቱ ለዐለት እዋንመ ልግበእ።

ዋድዮት ዲብ ዐለት።

ኡቱኩ ክምእነ እት ትብል ትሰአለተ፣ እትሊ ሕልምዬ እተ ዐልኮ እቱ ወቅት ዲብ እሰክብ ትርኢኒ ዐልኪ?

- አይው፣ መደቲት እንዴዎ
- ወላሂ እሲ እንቱ ከፎ ቀሪቦት እንቱ! ሕልምቱ ለእሉ ተሐለምኩ።

- ሕልም ከፎቱ?
- ነፈር ሐመልሚል እሉ ተሐለምኩ።

ለክርን ኡቱኩ ምን ሐዲሰ አርዐዴት፣ ካይት ህዩ ትሰአለተ።
- ነፈር ልባሰ ሕብሩ ሶታይ ላብሰ ቱ?

- ኢፋሎ፣ በለሊቱ ኢኮን ለሶታይ፣ ለገርቡቱ። ወካሰተን ህዩ ለእደዩ ወለእገሩ።

- እሲ ምን ገብእ “ፎዶ” ቱ?

ተብሰም



እንተ ግድም ዐቤክ ወደግለልኩ። ከእለ ሰነት እሲ ባጽሕ እት እንተ ምን አሓዲስ አልረሱል ሐቱመ ኢሐፈዝኩ። ህቱ ህዩ ኢፋልኩም፣ አነ ምን ዕክረመ ለሰመዕኩህ ሐዲሰ ኦርትኩምመ ሳምዑ ኢኮን (ዕክረመ ምነ አልሓዲስ አልረሱል ደግሞ ለዐለው ኦርት ቱ።) ህቶም ህዩ ከእለ ምን ገብእ አሰእለና ቱ ቤለው፣ ከክም እሲ ቤለዮም፣ - ዕክረመ እብኒ ዐባሰ ምን አልረሱል ሰለ አላሁ ዐለይሂ ወሰለም ለሰምዐየ እት ደግሞ ሰመዕኩህ። ከክም እሲ ቤለ፣ ክልኤ ሰፈት ዲብ ሐቱ እዋን እት እሰሌማይ ሌጠ ልትረኣዩ። ህተን ህዩ፣ ለሐቱሀን ዕክረመ ትረሰዐየ ወለ ካልኣይትመ አነ ትረሰዕኩህ ቤለዮም።



ጨፎት ወቅሎ እት ዓዳት ትግሬ



ጨፎት ፍሬ

እት ክታብ ዓዳት ወኣድጋማት ትግሬ እብ ኣሳሰ ለረኩብናሁ ክቱብ፡ እተ ዘበን ቅዱም ዐምሳት ክም ወልደት እግል ሕጻን ወወለት ለትገብእ ኩብቲ ክለ ሓቲ ኢኮን። እግል ክሎም ለገብእ ህለ ወእግል ሕጻን ሌጠ ለገብእ። ጨፎት ወቅሎ እግል ክልኢቶም ለከሰስ ምንግቲ ለተክቢተት በንበንተ። ለትወለደ ሕጻን ገእ ምንገብእ ሰልፍ ዕላል መበሸርት/ብሸራት ለዐልሎ፡ ወሐቆህ ሰቡዕ ዶል ኣሰር ሕድ ለዐልሎ። ወላሊ ትወለደ ምንገብእ ኣሰቡሕ ሰቡዕ ሓግታት እት ቤት ሓራሰ እንዴ መጽእዮ ሰቡዕ ዶል ለዐልሎ። እግል ወለት ላተ ኢፈራረሐ ወኢለዐልለ እለ።

ለዐልቀት ዲብ ትትኣተብ ወለት እት ኣሰእን እመ ትትኣተብ ወሕጻን እት ኣሰእን ኣቡሁ። ለሕጻን ዲብ ልትኣተብ ኣቡሁ እተባት ለህይዮ፡ ምን ንዋዩ እገሌተት ሁብክም እተባቲ ልብል። ወእለ እተባቲ እግል ግርዝ ክም ማል ናሱ ትትዐለብ። ወለት ላቲ ዳር ኣቡህ ሰበት ኢትወሰር ብዙሕ ኢፈርሐ እለ ወእተባት ኢትትህዮብ።

እት ልድሕራመ እግል ሕጻን ዋልደት ወእግል ወለት ዋልደት ለልድሕራህ ፈርግ ተ።

ዐምሳት ሕጻን ዶል ትወልድ “ኣሰናይ ክልኤ ሬከ ገብእት፡ እብ ተብዐት ዓረፈት፡ ገደ ሶተ፡ ዕን ረኤቶ ኩብድ ትክረዮ፡ ትጽገብ ምኑ፡ ቀዳም ሰቡዕ ልግበእ፡ ዐቤ ወዋቤ፡ ፈርሐቲ ሰልሐቲ ቲዘደ፡ ቀዳም ሓድግ ወሓር ወሰክ፡ ሓዲስ ኩብድ ግንዳብ በሌ ልግበእ እግልኪ፡ ንኡሽ ዐቤ እቲ ወዐቢ ዳብር እቲ፡ ግም ለእቲ ትወለደ እቲ ልሽንግል፡ ዐ’ለት በኪተት ትትወለድ ዲብክ። እት ድሕርቲ ለደመዎ፡ ወሰክቡ ወሓይሶቡ፡ ጭገረት ማልን ወኣዳምን ትብዘሕ እቲ፡ እት ሓረት ልግበል። ሰምዋ ኣበቻ ልብጠር፡ ዝናቡቶም ልጽቡዮ፡ ቤት ኣብ ባቅለት ልምረሕ፡ ድቢት ትትከልከሎ . . . “ እት ልብለ ልድሕራህ።

ለትወለደት ዐልቀት ወለት ገኡት ምንገብእ ላኪን ክእን እት ልብለ ልድሕራህ።

ኣሰናይ ትከማክምኪ ወለት እምዬ፡ በኪተት ትግበእ እኪ ወለትመ ኣሰረ ሕጻን ትሰሕብ

ንኡሽ ልዕቤ ወዐቢ ልድዌ፡ እግል ኮናት ቲበእ ወኣርገ ልደምደም፡ እግል ጋሻይ ልእቲ ወበዐል ዐድ ልጽናሕ . . . ብዙሕቲ።

እለ እት ሕድ ሰቡዕ ዶል ክም በላለሰያሁ ለዐልቀት ትላጼ። ጅን ወድ ሓመ እንዴ ጸብጦ እሉ ኣኬነት ክም ላጸ፡ እናሰ እግል ግርዝ ክም ዓደት ዐድ ኣቡሁ ግሰት እንዴ ሓድግ እቲ ልግበእመ ጨደድቅ እንዴ ሓድግ እቲ ላጽዮ። ወእት ሳቤዕ ሰሙይ ለኢጸንሐ ዕንዳይ ልትብህል ለዐለ ግርዝ ጅን ለሐረዮ ቀጥፈት እንዴ ትከሬት እቲ ሰሚት ትፈግር እሉ። ወለጨፎት ለእለ ጨፈው እግል ኣግዋርም ፈረዕ ድማን ወድገለብ ሄድወ። ወለጨፎት ለትከበተው “ፍሬተት ዐድ እመ/እመ ወዐድ ኣቡሁ/ዐድ ኣቡህ ትብቀል” ልብሎ። ወእለ ጨፎት ፍሬ ትትብህል።

ቤት ሓራሰ ቀደም እለ ምዕል እለ ሰብ ወመንደሊታት የኣትው፡ ምን እለ ምዕል እለ ወሐር ላቲ እግል ልእተው ጥሉቅቲ።

ቅሎ ሓል

ግርዝ ሓል ክም ኣትመመ እክል ማሽሌ፡ ሸጊር ወሸንራይ ምስል ሓቡሮ ከቀሉ። ወእግል ግርዝ እት ረኣሰ ዐረም ለበጠሮ ወጥረ ለጸቡጦ። እግል ወለት ሆይ ርኹት ለጸቡጦ። ወገሌ ምን ለቅሎ እት ረኣሰ ልክዕ። ለተርፈ ሆይ እግል ኣግዋርም ልሄድዎ። ወህቶም ልድሕር “ዐቦት ወጸርት፡ ዕምር ዋወል ወገድ ብዙሕ፡ ሸንጋሌክ ለርኤነ” እት ልብሎ። ወእለ ቅሎ ሓሉቲ። ቅሎ ሓሉ እት ዓመት እገሌ ትከዐ ሆይ ልብሎ እብ ዕምር እት ለህድጎ።

ሀሌኮ በሊን!

ሀሌኮ በሊን ሰኒ ፋለ
ሀሌኮ በሊን ፋይሕ መጃለ
ሕነ እብ ሰፈላልኪ ልብነ ጃለ
ኑኡሽነ ወዐቢን ምንኪ ትሰኣለ
ክልዎሮ ከ ሰልሚ ዲቡ ለእተ ህለ
ወእለ ዐድነ ክለ ድለይ ተሓተ ወለዓለ
ምን ብጽሐተ ኢትትህይ ደብረ ወቀላቅሎ።

ሀሌኮ በሊን ወእለ ኣነ
ሸንህት ልብነ እንቲቲ ለእግለ ተምነ
እት ኣሰራርነ ትነብሪ ወዲብ ደምነ
ሰፈላል ክለ መራር ወናይኪ በነ
ሰብ ቁሩብ ወለ ረዩም ምንኪ ትሰኣለነ
ረእየትኪ ልብነ ትሸፈ ወተኣክለነ
እት ካርጅ ለህለ ጋንሐ ወእትሰ ዐድነ።

ሕነ እኪ ነኣኖኪ ዲብ ኣ'ዩ ዱር
እብ ፈረሕ ንታኪኪ ወእብ ሰሩር
ንሳልኪ ፋል ሰኒቲ ዓይር ፍጉር
ባኪ ኢትጸንሕ እኪት ወለሸሩር
ገቢል እብ ገጽ ፋርሕ እኪ ሕዱር
እት ሕቅፍ እግል ትውዐለ እብ እሰሩር
እግል ንትባሸር ምንኪ ክምለ እት ዐሙር
ዕንኪ ክረይ ዲቡ ለድጌ ዕሙር
ወእብ ሕበር ጋንሕዮ ሱግ ወብሩር
እኪ ለብዲቡ ምን በይት ድሩር
ዕርቅት ቅንቤቲ ኢኮን ወበኑ ቅሩር
ደሚሩ ቃሰንቲ ሳክብ ወእክሩር።

እንቲ ህጅክ ጥዑም ዶ'ለ ምምሳይ
ለሰብኡ እዘን ካሪ እግል ኣተንሳይ
ቀላል እግረ እንቲ ኢትክህል ግሳይ
ሕበር ትጋንሐ በዐል ዐድ ወለ ጋሻይ
እት እዴ ዐቢ ትጸንሐ ወኣክክ ኑኡሻይ
እት ባክለ ሙደርስ ወደረሳይ
ወእት ባክለ ሙናድል ወለዋርሳይ
በርህት ወርሕ እንቲ ወኣክል ጸሓይ
ልሰመዕ ርክብ ለኣሰትህል ለቤለ ሓሳይ።

ሳልሕ ሙሰ ሓቢብ -ኣሰመረ

ሰሩር ኣንሰ እግል ሰብ




ሰብ ለሓጥራም ወእመራም መ ጸገብ ለገኡው ወወቀይ እመር ለሰም ክም ጥተው ኣንሶም ወመውልደም ለገኣየ ሰራሆም። ደኣም ምንመ ለሰብ ሰብ ወቀይ ገቡእ ኣንሶም ሰሩር ምን ኢለኣምረ ወመውልደም ክምሰልህ ምንገበእ ሰርሮም ኣለቡ። ከለሰሩር ለለኣምረ ሕዳት ተን ወህተን እግል ኣብእሰተን፡ ውላደን ወመውልደን ሌጠ እብ ናዮም ላቲ ሰረ። ወክል

ሰሩረት እግል እሉ ኣፍገረያህ ሌጠ በክዩ እቤ። ወክል ሓቲ ናይ ናሰ እንዴ ኣፍገረት ትሰርር። ወእዋን ሰሩረን ገጸን ገብበ ወእንዴ ወቀለየ እት ልበክዩ ሰረ። ወኣዳም ክሉ ለኣተንሰዮን። ከምነ እት ክታብ ዓዳት ወኣድጋማት ትግሬ ክቲብ ለህሌ ገሌ ምን ሰሩር ዮም ሓቲ ሓርያም እኩም ሀሌነ ወህተ ሰሩረት እሲት መሐመድ ወድ ናሽሕ ምን መንሰዕ ቤት ኣብረሂ

እግል ሰመራርዑል ወድ ግዕዳድ ለልትብህል እናሰ ለሰረታተ።

ሰመራርዑል ወድ ግዕዳድ ኣደሐ ጸዕደ እት ከሌቡ ሐዩት ኣተ ከእት ዕጨት በእ። ወሰመራርዑል እግል ሐዩት ተግዩረዩ ወክም ፈግረ እብ ኮናት ረግዘዩ። ወለ ሐዩት ክም ትደመዐ ጠሐረ ከእግል ሰመራርዑል ኣከረዩ። ወለሐዩት እተ ኣካን ሞተ። ሰመራርዑልመ ገሌ ክም ተንተን እብ ጸልዑ ሞተ ወእሲት ለማዛዩ ክእን ሰረቶ

ለህይ ለቅብ ኢኪህለ ካዩዶት ለሐረቲ ወለህይ ለከንፈር ኢኪህለ ፈግረ ምን ለደብዐቲ ክለን እለን ለኢኪህለ ከፎ ኣቲ እት ነፍሱ ገሌ እልክ ሐዩት ናሰክ ኢተባጻዕ ኩብዱ ሓጠት ተ ወድርቡዩ ግቅዕ ሕፋንቲ ክምለ እት እንግጥዕ ወመረርቲ ክምለ እት በርበሬ ባጼዕ



ቢንያም አዜመ ዐውቴታት ለአተርቴ

ኤርትራ መትባድራይ ዐጀላት እት ናዲ እንተርማርሼ ቤልጃም ልተልሄ ለሀላ ቢንያም ግርማይ ሰንበት ዐባይ እት ገብአ ናይ ሳምናይት መርሐለት ብድረ ዐጀላት ዱር ፈረንሳ አወላይ እንዴ ፈግረ፡ እግል ካልኦ ዶሉ ናይ መርሐለት ዕወር ትሰመ።

ቢንያም፡ እትላ 183.4 ኪሎምትር መሳፈት ለትገልብብ መርሐለት፡ እግል ድቁግም መትቫግረት ዐጀላት ዐለም ከረ ጃስፐር ፊሊፕሰን ወአኖድ ዴሊን እንዴ ቀልባ ቱ ለትዐወተ።

ቢንያም፡ እትላ ውልዋል ወዘላም ለትሐበረዮ ጅግረ ድቅብት፡ እት ሳዐት 56.7 ኪሎምትር እት ሰውግ ቱ እግል ኩሎም መትቫግረቱ እንዴ በድረ አወላይ ለፈግረ።

8ይት መርሐለት ናይላ 111ይ ብድረ ዐጀላት ዱረ ፈረንሳ፡ ክልኤ ሾላት ዐለዩ ዲቤ፡ እት ሰር ናይላ ጅግረ እት ገብአት ሾላት ህይ፡ ቢንያም እት ሳዐት 72.4 ኪሎምትር እት ልትፈተት እግል መጅሙዐት ለዐባይ እት ቀልብ፡ 17 ንቅጠት አክላለ። እብ ሰጀለዩ ዐውቴመ ናይ 50 ንቅጠት ቅረዲት ራክብ ሀለ።

ወእብላ፡ እት ሰማን መርሐለት እብ ጀምቦዩ 216 ንቅጠት፡ እት መቅጠት ለአስመንት ፍሌንዩት አክደር ሐፋዝ ዲቤ ሀለ። ደግም እብ ፍሌንዩት ላብሰ ለዐለ ጃስፐር ፍሊፕሰን ህይ እብ 128 ደርቡ ሀለ። ጆናስ አብረሃምሰን ከማን እብ 107 ንቅጠት ሳልሳይ ተረት ጸብዋ ሀለ።

ወድ 24 ሰነት ኤርትራ ቢንያም ግርማይ፡ እትላ ዱር ፈረንሳ ሰነት ዮም ዓመት እግል ለትደቀብ ናይ ዐለምን መትቫግራይ ዐጀላት ጃስፐር ፊሊፕሰን ክልኤ መርሐለት ዲቤን ባድሩ ሀለ። እብ ፍንቲት እት ናይ 8ይት መርሐለት ጅግራሆም ቢንያም እብ አርአዩ በሰር ጅግረ፡ በቃዐቱ እግል ኩሎም ቁድረት ዐጀላት ለአርአ እት መናሰበት ዐለት።

ዱረ ፈረንሳ ሰነት 2024፡ አስክ እብ ምን ዋዲሆን ለሀላ ዐሰር መራሕል፡ ለበዘሐዩ ናይ ሾላት ጅግረ ለዐለ ዲቤን ተን። ቢንያም

ህይ ምን እብ አርበዕ መራሕል እት ሳልሰ ወሳምን ክልኤ ኢነት አወላይ፡ እት ሳድሰ መርሐለት ካልኤ፡ እት ሳምሳይት ወታሰባይት መርሐለት ህይ ታሰባይ እንዴ ፈግረ፡ ምን ኩሎም መትቫግረቱ እንዴ ሐሴ ብዘሓም ምኤምረት ርያደት ወጀራይድ ዓለም ኑወላሙ ለህለው ሀርመ ዐጀላት ጋብእ ሀለ። አስክ እብ ምን ሰማን መርሐለት ዱር ፈረንሳ ክልኤ ዶል ናይ መርሐለት ለትዐወተ መትቫግራይ በታተን ኢህለ - እምበል ቢንያም!

እት ሳምናይት መርሐለት ክም ተዐወተ እግል ሰከፍዩን እት ሀበዩ ሐብራ፡ ለዐውቴሁ እግል ዋልዴት ለትብረዐዩ ቢንያም፡ “ወላመ ለመትቫግረቹ እብ ሚዛን ምንዬ ለክብዶ ምን ለዐሉ ወዲብ ጋድም ቀደሚይ ምንመ ዐለው፡ ለጅግረ እግል ልትመም ሐቲ ኪሎምትር ክም ተርፈቲ፡ እግርይ ሰኒ ሽዑር ሰበት ሀቤኒ፡ ክም ትገምቤኒ፡ እግል እቅለብ ክም ቱ ሸክ ኢወዴኩ። ውላድ ፈሪቅይ ህይ እት ወደወ እግልይ ሰዳይት ሐምዶም” ቤለ።



ቢንያም ግርማይ 2ይ እት 10ይት መርሐለት ዱር ፈረንሳ (ማሌ ምሴት)

ቢንያም፡ እብ ፍሌንዩት አክደር እንዴ ለብሰ ካልኤ ኢነት ናይ መርሐለት ዕወት ምን ትብሀለ፡ ኩሎ አሸዩኦ አስክ ሙሰተቅበል ባርህ ልሄርር ክም ሀለ ወዴሕ።

ቢንያም፡ እት 8ይት መርሐለት ዱር ፈረንሳ፡ እት ናይ አክር 10 ኪሎምትር ሰጋይድ ነኣይሸ ሰበት ዐለ ህቱ ክም ሰደዩ እት ወዴሕ፡ ለመትቫግራቱ ክቡዳም ሰበት ቶም፡ ወህቱ ምኖም ሰበት ቀልል ክም ቀልቡም ለአክድ።



ቢንያም እትላ ናይ ዮም ዓመት ዱር ፈረንሳ፡ ናይ መራሕል ዐውቴ እግል ልሰጅል ቱ ለትብገሰ። እት ሳልሳይት መርሐለት ሰልፋይ ዐውቴሁ ለጃቀፈ ቢንያም፡ ንቃዋ እት ለአክላል፡ ፍሌንዩት አክደር

እግል ልልበሰ እት ካድም ክም ትብገሰ አፍህመ። ሐቆ ጅግረ፡ መትቫግራት ኢንተርማርሼ እግል ቢንያም እንዴ ትክለለው፡ “ሐ’በንክህ ሕቡን ግበእ” እት ልቡሉ፡ ፍሌንዩት ሀርዲ ላብሰ ለሀላ ፖጋቻ ወናይ ሰጋደት ፍሌንዩት ማልክ ለሀላ አብረሃምሰን ህይ አሰናደክ እት ልብሎ በሸረው።

እብላ ዐውቴ ቢንያም፡ እት ቀበት ዐድ ወካርጅ ለክብር ሸዑብ መንዴረት ኤረትርዩ እት ረፋርፎ ወእግል ቢንያም እት ሰጀዮ፡ ፈርሐቶም ሸርሐ ክም ህለው ምን ክል አካን ለበጽሐኒ ሐብራታት ለአክድ።

እት ሰጋይድ ብዛሕ ወዘያድ ሰሰ አግቡይ ጨል ለዐለ ዲቤ ታሰባይት መርሐለት ቢንያም፡ አወላይት መጅሙዐት ናይ ወቅት

ሰበት ዐለው፡ ሕሰርም እንዴ ኢወዴ፡ ሕሳል ካልኤትላ መጅሙዐት እት ዋሌ አወላዮም ሰበት አተ፡ እብ ተረት ህይ 9ይ ትረተቤ።

እት 10ይት መርሐለት ማሌ ምሴት አተሉት፡ እት 187 ኪሎምትር እት ገብአት ጅግረ ሾላት ዐጀላት ዱረ ፈረንሳ፡ ቢንያም ግርማይ 2ይ እት ፈግረ፡ ንቀጡ ዲቤ 267 ውቁሉ ሀለ። ደርቡ ለሀላ መትቫግራቱ ጃስፐር ፍሊፕሰን ማሌ ምሴት አወላይ ዲቤ ፈግረ፡ 192 ንቅጠት እክላል ሀለ። ፈርጉ ምሰል ቢንያም ህይ፡ እት 75 ንቅጠት ካሪሁ ሀለ ጃስፐር። ቢንያም ኮክብ አፍሪቀ ዲቤ ምግብ ከዋጀ ጋብእ እት ለሀላ ከረም ዮም ዓመት፡ ግረ እላመ ዝያድ 10 መርሐለት ታርፋቱ ለህለዩ ዱር ፈረንሳ 2024፡ እት ልትደቀብ ቱ ለልሄርር።

ሳምን ርያደት ጅብህት ምግብ ለአተላሌ

ዲቤ ደቀምሐሬ ወመንደፈረ ገብእ ለሀላ ጅግራታት ርያደት ጅብህት ምግብ፡ ለሐልፈ ሰነብት ትሉሉይ ዐለ።

ሰንበት ንኢሸ እት መንደፈረ እት ገብአ ትልህያታት ኮበሪት እግር አዋልድ፡ የበል እግል መርሃዊ 3-1 ቀልባሆን ዲቤ ህለዩ፡ ብሪጎ እግል ጸንዓት 1-0 ቀልባዩ። እብ ጀህት ውላድመ ፈሪቅ የበል እግል ፈሪቅ መርሃዊ 1-0 ሳርሐምም።

ሰንበት-ዐባይ እት ገብአ ትልህያታት ሾሊባል አዋልድ ህይ፡ የበል እግል መርሃዊ፡ ወመራብ እግል መርከብነ ሕድ እብ ሸብህ ቅልብ 2-0 ቀልባሆን።

ምን ፍረቅ ውላድ ህይ፡ የበል እግል መርሃዊ 3-0፡ እት ቀሉባም፡ ፈሪቅ መራብ እግል ዘረ 3-1 ቀልባምም።

ጅምዐት እት ጋብእ ለዐለ ትልህያታት ሾሊባል አዋልድ ፈሪቅ ብሪጎ እግል ጸንዓት 3-0 እት ሳርሐም፡ መራብ እግል

ማይ-ጸብሪ 2-1 ቀልባሆን። ውላድ እት ወደወ ጅግራታት፡ ፈሪቅ ብሪጎ እግል ጸንዓት 2-0 ቀልባምም።

እምበል እሊመ እት ደቀምሐሬ ዮም ሰንበት ንኢሸ እት ገብአ ትልህያታት ኮበሪት እግር አዋልድ፡ አዳል እግል ሂላል 1-0 እት ቀልባሆን፡ ኪሎም’መ እብ ሮዳስ ትኩኦ ዲቤ 50 ደቂቀት እብ ሰጀለሆሁ አሮ ጎል እግል ሂምባል 1-0 ቀልባሆን። ሮዳስ ትኩኦ እት አትሌቲክስ፡ ሾሊባል ወኮበሪት

እግር ለተተልሄ ፈዳቢት ርያድዮት ተ። ውላድ ፍረቅ ሂምባል ወኪሎም እት ወደወ ጅግራመ፡ ኪሎም 1-0 ተዐወተው።

ሰንበት ዐባይ እት ገብአ ጅግራታት ሾሊባል አዋልድ ህይ፡ እት ናይ አንሳት አዳል እግል ህላል፡ ኪሎም እግል ሂምባል ሕድ እብ ሸብህ ቅልብ 2-0 እት ቀልባሆን፡ እብ ናይ ውላድመ ኪሎም እግል ሂምባል 3-0 ክም ቀልባሆን፡ ምን ደቀምሐሬ ለበጽሐኑ ሐብራ ተአክድ።





ጠባይ መዳይን ያይነ ዲብ ተወቀ ገደብ ከም ህድፍ ተሰበረ



እት ምር ሐዲስ ድራሳት ብዙሕ መዳይን ዲብ አርድ እት ልትሸረብ ገደብ ከም ህለ ተአመረ። ቀደም እሊ እት ለገብአ ታያን እሊ መዳይን ዲብ አርድ ናይ ቱቀት ሓላት። እት ውላዮት አሚሪካ መ እብ ትሉሉይ ልትርኤ ከም ህለ ልትሸረብ ጸንሐ።

እሊ እብ ቻይንይን ምኤምረት ለገብአ ድራሳት ምን 82 ዐባይ መዳይን ቻይን። ለሰር ምኑ እት ክል ሰነት ዝያድ 10 ሚሊ መትር ዲብ አርድ ለኣቱ ከም ህለ እብ ሰዳይት ሳትላይት እግል ልትፈረግ

ቃድር ህለ። ቱቀት አርድ እብ ናሱ እምበለ ዲብ አም ውብንየት ትሕትየት ለሰብበ መደረጉ። ዲብ ደቅዋ ማያይ ክፋል ግንራራብ በሐር ወቀሎት ከም ለአመጽኦ ልትሸረብ። እሊ ዲብ ደውለት ቻይን ሳድፍ ለህለ ሻፍግ ቱቀት አርድ። ዲብ ሰነት 2120 በህለት ሐቀ 96 ሰነት ርቡዕ ምን ዲብ ግንራራብ በሐር ለልትረብበ መዳይን መትወቃሉ ምን ተሐት ጠፋሐት በሐር እግል ልግበእ ከም ቀድር ልትጌመም። ብዙሕ ሸብብ ቻይን እት ወግም እንዲ ኣቱክ

ቻይን ወጀርመን እት ብሕሰ ዘርእ

ሸዒር ልትዓወን

ጀምሁርየት ቻይን ወጀርመን እት ብሕሰ ዘርእ እክል ሸዒር መትዓዋንን እግል ለኣተርደ ምን ቅፋብ ሸቅየ ከም ህለየ ዕለም ኣካዳሚ ነቲጀት ሐርሰ ቻይን ሐበረ።


ምኤምረት ቻይን ወጀርመን እት ብሕሰ ወመትነፍያት ሸዒር ናይ ሕበር ድራሳት ወሲቀት ከም ፈረመየ እት ቻይን እት ለገብአ ናይ እድንያይ ስፖዚየም ሸዒር ትሸረሐ።

ለሰፖዚየም እት ፍንጌ ክልኢተን ድወል እት ብሕሰ እንዳሰትሪያይ ኣካዳሚ ዘርእ ሸዒር እግል ልትዓወን ወልትባደለ ዶር ከም ለህሌ እሊ ተሐበረ።

ቻይን እት ሸዒር ለትወድዮ ኣሳሲ ብሐሰ ነቲጀት እብ ለልሃይብ ኣግቡይ ከም ሸቅ ወዲብ እድንያይ ብሕሰ ሐርሰ ዶር ከም ለሃይብ ተሐበረ። እሊ እብ መኣሰሳት ክልኢተን ድወል እት ሰነት 2022 ለገብአ ናይ መትዓዋን መሸርዕ። ምን ብጋሰቱ ሄራር ሰኒ ሰጅል ከም ህለ ልትሸረብ።

በሕሰን ቻይን ወጀርመን ዋውር ቱክፍሎጂ እንዲ ትነፈዐው ሸዒር ምስል ብዙሕ ሓላት ጀው ለናሰብ ሰበትቱ ዐውቱታት ከም ሰጅሎቱ ለትፈናተ ተቃሪር ለለፍህም።

8 ፍንቲት ስወር ሕዘው



እድንያይ ሐፋነት እግል ሐሰፍቱ ለከብቀደመት

ኣሰክ ሰነት 2026 ሻፍንት ከዋወት እት ራቀቦት እድንያይ ሐፋነት እግል ትትነሳእ ሊክ ትቀደመት። ተእሲር እድንያይ ሐፋነት ምን ለሐልፊ ሐድ ሰፍታት እብ ዛህር እት ልትርኤ እሰብዳይ ህለ። እድንያይ ሐፋነት ምን እሊ ለህለየ ትወቀለ ምን ገብእ ላኪን። እት ኣም ወድዋር እግል ለአምጽኦ ለቀድር ብቅት እብ ቀላለ ለልትርኤ ኢኮን። ኬትባይ ሰክረቲር መካመት መጅልሰ ቅራን ሳይሞን ሰቲል ሓድረት ሓላት እብ ከሰሰ። እት አርድ ምንለ ትኬለመት መደረጉ እድንያይ ሐፋነት እግል ንዳፍዕ ክልኤ ሰነት ሌጠ ታርፍ ከም ህለቱ ለልሐብር። እሊ እብ በዐል መቅደረት ሓላት ጀው ለትሃየበ ተሕዘር እድንያይ ሐፋነት እብ ሕኩማት ዋውራት ድወል እንዲ ትሰመዐ ሻፍንት ከዋወት እግል ትትነሳእቱ መኣፋሉ ላኪን ለትአመረ ኣህላኒ።

እዲን ምን ክቡድ መደረት እድንያይ ሐፋነት ኣድሐፍት መስኦልየት ክሉ ጃንብ ከምቱ ሳይሞን ሰቲል ኣትፋቀደ። ህቱ ወለ ዲብ ሀዋእ ለልትጠለቅ ክሰሐ ጋዛት እግል ኣንቀሶት ለሰዳ ምህም ኣሸቃላት




ኣትአታተየት ዲብ ኣንቀሶት ሐፋነት ሓላት ጀው ለሰዳ ከምቱ ምንመ ሸርሐ። ዲብ ወክድ ላኪን ተቅይር እግል ለአምጽኦ ለቀድር ሻፍግ ሕርያን ንሰኣት ለበደለ ለኣለቡ ሐል ክልቱ ሸርሐ። እለን ለተልየ ክልኤ ሰፍታት እድንያይ ሐፋነት ዝያድ 1.5 ዲግሪ ሰንትግሪድ እግል ልብጸሐቱ መኣበጸሕ ለልሐድደ ምህም ሰፍታት ከምተን ኣፍሀመ። እድንያይ ሐፋነት እግል እሊ ለትሸረሐ ቅያሰ ዶል ለሐልፍ። ኣምዋጅ ሐፋነት። ደግሞ መሻርዕ ሐርሰ። ጀፋፍ። ኣምዋጅ ፈደዳናት። ነድ ቃባት ወብዕድ ጠቢዕያይ ብቅት እብለ ለትኬለመት እግል ልትርኤ ከም ቀድር ልትሸረብ።

ምን እሊ እግል መትሰላም ህይ። ምን ሀዋእ ካርቦን እንዲ ኣከብክ እት ድቡእ ኣካን ዕቅረት ወበርህት ጸኣይ እግል ልድሀር ለቀድር ኣሰክ ጸኣይ ወጅሆት ለመሰል ነሻጣት ገሌ ምን ገብእ ለህላቱ። እሊ እት ለትራየመ ወክድ ነቲጀት እግል ለሃብ ከም ቀድር ለትሸረሐ ኣግቡይ መደረጉመ እግል ለአምጽኦ ከምቀድር ምንመ ልትሐበር። ሕርያን ሰበት ኣህለ ላኪን እግል ልትሸቁቡ ለሐል ምር

ህቱ ከምቱ ኬትባይ ሰክረቲር ሓላት ጀው መጅልሰ ቅራን ሳይሞን ሰቲል እት ደንገበ ኣሸረ።

ሳድስ ወራር እብ ካርቱን



ደግሞ ሐዲ 6 ዋውራ "ንሳሐርኦቲ" ባልጠት መ-ፍ ዐጋ ጸት ምን ገሊ። ጎጂብ ሊካካ ጎጂብ ሸጠ ጎጂብ ደህተም ሌግ ቱ።

